

**NATIONAL ASSEMBLY OF
SEYCHELLES**

Tuesday 28th September, 2021

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou telespektater e oditer ki pe swiv nou. Zis en pti moman pou komunikasyon. Mon ti a kontan reasir nou piblik ki nou'n nobou rekiper byen avek lensidan ki nou rapporte e ki'n ganny rapporte dan Nouvel. Nou lekipman an zeneral tou i an bonn eta apard enn de pti verifikasyon ki nou pou bezwen fer.

Nou annan en landrwa dan nou batiman ki nou bezwen repare, e sa se landrwa ki'n annan sa pti dife. Me apard sa i annan en pti pe domaz dan *Chamber* li menm, me sirtou dan *Visitors Gallery*. Apard sa nou annord.

Me s aki pli enportan se ki mon remersye tou nou bann dimoun ki'n ede pou nou *deal* ek sa sityasyon vitman. E sa i enkli nou *staff* sekirite ki'n donn alert e reazir vitman pou

apel bann servis neseser. E bann Lazans ki'n donn nou lasistans. Prensipalman *Fire Brigade, PUC*. E apre bann ki'n antreprann *assessment*, lanket dan sa sityasyon - *CID* e osi lezot Lazans ki mon'n mansyonnen.

Me mon sirtou remersye bann staff ki'n enplike dan netwayaz, reparasyon, re met keksoz annord. E mon'n vreman, lo lapar Lasamble, mon krwar nou tou nou'n vreman apresye zefor spesyal ki'n ganny mete pou sa ki mon apel rekiperasyon. Mersi bokou.

Avek sa, Madanm Clerk mon krwar ou annan *First Reading*.

MADAM CLERK

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout. I annan en *Bill* ki pe ganny prezante *ce matin*:

The Miscellaneous (Repeal of Statutes) Bill, 2021 (Bill No. 44 of 2021). This Act may be cited as the Miscellaneous (Repeal of Statutes) Act, 2021.
Mersi Mr Speaker.

MR SPEAKER

Bon, e prezan nou kapab pas lo *Private Notice Question* e mon a demann madanm reporter pou apel Minis avek son delegasyon.

Madanm reporter, mon kapab demann ou pou fer antre delegasyon ki avek Minis. Mon krwar i annan zis 2, pou *Question Without Notice* osi. Akoz nou pou pran sa dan en sel sesyon. Minis, byenveni Minis Errol Fonseka, Minis pou Zafer Entern. E Mr Francis Songoire, *Deputy Commissioner of Police*. Nou ava atann en pti moman e esper lezot zofisyé pran zot plas pou nou fer en sel akoz Minis i la.

Nou pou pran *Prive Notice Question* avek *Question Without Notice* dan menm peryod la.

HON SEBASTIEN PILLAY

Mersi Mr Speaker. Ou'n donn mwan permisyon?

MR SPEAKER

Yes, Onorab Pillay.

HON SEBASTEN PILLAY

Mersi Mr Speaker. Bonzour Mr Speaker. Bonzour Minis avek Deputy Komisyoner e byensir bonzour bann koleg Onorab e tou dimoun.

Mr Speaker, mon kestyon i lir koumsa;-

Prenon kont ki plizyer dimoun pe eksprim zot mekontantman lo lafason bann restriksyon lo rasanbleman pe ganny enplimante par Lapolis e bann lezot Lotorite konsernen.

Eski Lasanble i kapab ganny en leksplikasyon lo;-

1. Eski en dimoun lo li tousel i kapab proteste dan lavil Viktoria si i pe gard zistans avek lezot endividé?

2. Akoz ki lapolis pann vwar li neseser pou dispers en regroupman bokou plis dimoun menm zour e menm ler lo zil Silhouette?

MR SPEAKER

Mersi Onorab Pillay. Minis en moman avan ou larepons. Bonzour e byenveni Mr Alain Volcere, Sekreteur Prensipal pou Departman Zafer Entern e Mr Michel Elizabeth, *Chief Immigration Officer* ki isi pou asiste Minis pou *Question Without Notice*.

Minis nou a pran ou larepons pou *Private Notice Question* silvouple.

MINISTER ERROL FONSEKA

Mersi Mr Speaker. Bonzour Mr Speaker. Mr Speaker, Deputy Speaker, *Leader of Government Business*, *Leader of the Opposition*. Tou Manm Onorab e tou dimoun a lekout, bonzour a tous.

Mr Speaker, premye kestyon ki *Leader Lopozisyon* i konsern rasanbleman anba *Public Assembly Act, 2015*. Lo si en dimoun i kapab fer en

protestasyon lo li tousel dan lavil?

Sa Lalwa nou ava rapel ti oparavan apel *Public Oder, Act* e apre bokou demars par Lopozisyon dirize sa letan par Mr Ramkalawan ki ozordi i Prezidan Larepublik, sa Lalwa ti ganny amande. E zot a rapel ti annan *Minister Derjacques* osi ki ti totalman deryer sa travay ki ti ganny fer.

Pli gran sanzman ki ti arive dan Lalwa sete ki anba vye *Public Order Act*, pou laliberte pou rasanble, ti ganny pran avek ou e ou, ou ti bezwen demann permision. Ou ti bezwen demann permision Komisyoner Lapolis.

Tandis ki anba *Assembly Act, 2015* ou zis bezwen notifye Komisyoner Lapolis. E li i pou asiste ou depaou bezwen, depaou ki pe arive dan pei, i pou asiste ou.

Me letan ou fer ou aktivite lezot Lalwa pei i aplike osi. Par egzanp ou pa kapab bwar dan semen, zoure oubyen ensilte dimoun. Me a tou moman ou bezwen gard en bon konportman.

Ofet Mr Speaker, sa Lalwa ki Gouvernman bann manifestasyon tel ki lamars oubyen protestasyon dan nou demokrasi. Demokrasi li i parey en *match football*. I

annan son larg ki permet li mars tre byen. Menm si ou anvi zwe ou pa kapab met *goal* avek ou lanmen par egzanp. Refri pou dir ou la, ou'n fer en *foul*.

Dan menm fason Lalwa *Public Assembly, Act* i dir ki osi ou rasanble dan en group mwens ki 10 dimoun, ou kapab fer li san okenn notifikasyon avek Komisyoner Lapolis. Dan lepok lontan zis 3 dimoun pa ti annan drwa rasanble. Ti en *illegal assembly*.

Me si i annan plis ki 10 dimoun ou bezwen notifikasyon Lapolis. E wi Mr Speaker, i annan plizyer lenstans tou resaman, kot en dimoun oubyen 2 dimoun in vin dan lavil avek en *board* e napa naryen ki'n arive avek sa bann dimoun.

Menm Dimans ti annan en msye ek en *board* ki dir '*Wavel Out*' e personnelman mon ti anvi dir li, ozordi Dimans mon frer. *Wavel* i pa dan *State House, i out of State House!* Me on Monday he will be back!

Me letan in annan plis ki 10 dimoun, Lapolis in entervenir, akoz nou krwar dan Lalwa ki aplik pou tou dimoun.

Dezyenm kestyon i konsern en swadizan regroupman lo zil Silhouette, e akoz Lapolis pa'n vwar li neseser pou dispers sa

swadizan regroupman bokou plis dimoun, menm zour, menm ler lo Silhouette.

Premyerman, fodre ki nou regard byen definisyon ‘public assembly,’ selman *Public Assembly Act, 2015*. E pli presizeman seksyon 2. (d) (iii) ki dir, “*public assembly*” means any assembly consisting of 10 or more persons held or to be held in a public place, but does not include an assembly of persons held exclusively for the purpose of a private activity.”

Alors Mr Speaker, i kler ki s aki Onorab Pillay pe dir pa ti en *public assembly* akoz i ti en fonksyon prive. E ozordi anba regilasyon Lotorite Lasante Piblik i permet ki bann aktivite relizye, bann *rites* tel ki maryaz i ganny fer anba bann prosedir ki’n ganny aprouve par sa letablisman.

E dan sa ka spesifik mon kapab konfirm avek ou, ki ti annan en maryaz ki ti ganny fer dan lotel Labriz Silhouette. E ki sa ti pe ganny fer anba tou bann prosedir ki’n ganny aprouve par Lotorite Piblik pou sa lotel.

Mon kapab osi konfirmen ki Lapolis pa’n ganny okenn konplent ki ti annan okenn aktivite ilegal lo zil Silhouette sa zour, e alors ti napa okenn

rezon pou zot entervenir dan okenn fason.

Mon anvi osi konfirmen e enform piblik ki in annan lezot maryaz Seselwa ki’n ganny fer dan bann lotel, an swivan bann regilasyon ek prosedir ki an plas ozordi. E ki sa maryaz lo Silhouette, pa ti en leksepsyon oubyen privilez spesyal ki ti’n ganny donnen.

Mr Speaker, nou, nou respe *the rights of endividé*. Nou respe la demokrasi e sa i en keksoz ki nou kapab *claim* ki nou bann *champions* la demokrasi akoz nou’n lit kont sa laliberte pou plis ki 43an.

(APPLAUSE)

MINISTER ERROL FONSEKA

E Mr Speaker osi la deryer, li osi in pas dan en kantite konplikasyon. Mwan mon’n travay kont pou rod sa laliberte, sa demokrasi depi zour koudeta ti arive. Ziska ozordi mon ankor pe travay. E zanmen mon pou aret pou s la demokrasi.

So, mon pa oule *cede* sa lakoup akoz nou *champion* demokrasi. Nou *champion* e nou krwar sa i nou lakoupe e nou pou kit sa lakoup.

(APPLAUSE)

MINISTER ERROL FONSEKA

Me mon ti a kontan dir zot nou respe la demokrasi, akoz la nou pe ariv en moman ki nou ti kapab fer en gran rasanbleman pou fet le 25 zour la demokrasi, ki nou ti ganny en Prezidan elekte dan pei.

(APPLAUSE)

MINISTER ERROL FONSEKA

Nou ti kontan rasanble e fer gran *motorcade*, me nou pa pou fer li akoz nou respe Lalwa.

Mr Speaker, avek sa mon *welcome* Mr AG. Me apre ki mon'n donn mon larepons inisyal, mon pou osi demann AG avek ou permisyon Mr Speaker, pou donn plis leklersisman lo sa Lalwa pou ki tou dimoun i ava konpran li byen, e i pa ava annan okenn konfizyon.

Mr Speaker, mon a pas en pti moman ek AG avek ou permisyon.

MR SPEAKER

Mersi. Mon a dir bonzour e byenveni *Attorney General*, Mr. Frank Ally ki en dernyen adisyon, i pa lo zot official list. Me Minis in notifye nou an rantran ki i ti a kontan azout AG lo son lalis.

Wi, Minis AG i kapab pran laparol.

**THE ATTORNEY GENERAL
FRANK ALLY**

Mersi Mr Speaker. Mr Speaker, parey Minis in koz lo la an repons sa *PNQ*, nou annan *Public Assembly Act, 2015* ki ti ganny pase par Lasanble apre ki Lakour ti deklar anti-konstitisyonnal en Lalwa lo *Public Assembly* ki ti ganny *enacted* an konsekans e ti *repeal* sa Lalwa.

Bon avek sa *enactment* *Public Assembly Act, 2015*, an 2019 regilasyon ti ganny fer pou etabli en *Speakers' Corner* e sa ti par *S.I. 59 of 2019*. An rezulta *S.I. 78, 2018* ki Lasanble ti anile lo *Speakers' Corner*.

E ava mon koz en pti pe lo *Speakers' Corner* - regilasyon *Speakers' Corner* mon krwar i kler pou tou dimoun se ki, en *assembly* i kapab ganny fer oubyen en prosesyon i kapab ganny fer par notifye Komisyoner Lapolis.

E apre ki Komisyoner Lapolis in ganny notifye, *then* sa *Public Assembly* ouswa sa prosesyon i kapab ganny fer amwen ki Komisyoner Lapolis i ordonn okenn restriksyon, oubyen i set bann kondisyon pou sa *public assembly* oubyen pou sa prosesyon ganny fer anba sa bann kondisyon.

So, dapre sa Lalwa ou pa demann en permision avek Komisyoner Lapolis. Ou senpleman a notifye li e li i rekonnet an ekrir poudir ou pe al fer en - ou'n ganny sa notifikasyon. E la si i annan nesesite pou li restrikte sa *assembly* anba Lalwa.

Par egzanp pou rezon *public safety* oubyen *Public Order*, i kapab ordonn restriksyon. Oubyen i kapab set bann kondisyon pou sa *assembly* oubyen sa prosesyon.

E si i arive ki i anvi ordonn okenn restriksyon oubyen kondisyon dan 24er ki sa *assembly* i sipoze ganny fer oubyen sa prosesyon, la i bezwen soumet sa, servi sa *organizer*, sa bann restriksyon oubyen sa bann restriksyon.

E si i annan okenn sa bann restriksyon oubyen sa bann kondisyon, sa *organizer* i kapab fer en *appeal* kont sa desizyon. Me selman e la i fer sa par en petisyon avek Sef Ziz. Me la sa *assembly* i kapab ganny fer.

E parey Minis in dir, en *public Assembly* i bezwen 10 ou plis dimoun. E dapre *Public Assembly Act*, in fer provizyon pou annan sa *Speakers' Corner* e la en *Speakers' Corner* in ganny dezinyen. E enn pou ou kapab servi sa *Speakers'*

Corner, menm prosedir i ganny fer. se ou senpleman notifye Komisyoner Lapolis ki ou pou al servi sa *Speakers' Corner* e la ou kapab mont lo, al kot sa *Speakers' Corner* i sitye e koze avek piblik.

Me selman i annan serten ban *conduct* ki ganny reglemente par sa regilasyon ki en dimoun pa dwatet fer.

Par egzanp i bezwen *behave calmly*, san rankor, eksetera, eksetera.

E, me selman parey Minis mon krwar in fer resorti ki ozordi i annan en, nou anba en *Public Health emergency* e baze lo sa *Public Health emergency* se Komisyoner Lasante Piblik in sispann tou bann *public assemblies*. E amwen ki i anna serten bann derogasyon ki li in fer dan son Lord, oubyen ki i pou donn permision. Mersi Mr Speaker.

MR SPEAKER

Mersi AG. Nou a komans avek siplemanter par *Leader Lopozisyon* pou son kestyon.

HON SEBASTIEN PILLAY

Mersi Mr Speaker. Mr Speaker Gouvernman i pe zwe foutbol, i anmenn refri ki dan son tim, i anmenn *linesmen* ki dan son tim, apre i pou met gol ek lanmen.

So tre senp Mr Speaker. Minis kestyon devan ou, ou sete si en dimoun i li tousel i kapab proteste anvil? Ou'n dir nou wi sa dimoun i kapab. Me kestyon i bezwen demann ou se, akoz ki enn zofisyen ti dir in ganny lord pou tir sa dimoun kot i ti pe asize lo li tousel avek son plakar?

Ou AG la in konfirmen poudir en dimoun lo li tousel i kapab proteste.

So akoz? Kote sa lord i sorti ki sa dimoun in ganny dir ki i bezwen sorti dan sa landrwa? E in devlop dan en largiman ant sa madanm avek sa zofisyen Lapolis. Lekel ki'n donn sa lord Minis? Ou ki'n donn sa lord oubyen sa gran sanpyon demokrasi Prezidan Ramkalawan? Lekel ki'n donn lord? Premyerman.

Dezyenm kestyon Mr Speaker, ou'n koz lo en *private function* lo Silhouette, napa problemm. Minister Lasante in preskri konbyen dimoun ki kapab *attend* en *private function*. Nou napa problemm ek sa *private fuction* nou. Me selman *issue* se ou Gouvernman pou konmans konport li dapre Lalwa, parey i pe demann tou dimoun pou konport li dapre Lalwa.

So akoz ki dan sa *private function*, ti annan plis ki 35

dimoun ki ti'n rasanble konparab avek regilasyon oubyen stipilasyon ki *Public Health Authority* in met an plas?

So si ou kapab kalifye Minis, eski preznan ou bann zofisyen Lapolis pe ganny bann lord ki pa konstitisyonnell pou zot met an pratik? Akoz ou'n dir nou poudir sa madanm ti annan drwa rasanble. Mersi Mr Speaker.

MR SPEAKER

Mersi. Onorab Pillay. Minis ou larepons silvouple.

MINISTER ERROL FONSEKA

Mersi Mr Speaker. Mersi Onorab pou ou kestyon. Premyerman i vre en dimoun tousel i kapab fer sa ki anvi ouswa ... fer son prop - vin fer son protestasyon.

Me dan sa ka si ou dan en menm *t-shirt* ek en lot 10, 15 lezot dimoun, ou dan menm sapo, ou dan menm letan, ou dan menm landrwa ou pa kapab tousel. Ok? Sa i senp.

(APPLAUSE)

MINISTER ERROL FONSEKA

E nou Lapolis, Lapolis i konn Lalwa, Lapolis pa bezwen ganny en dimoun dir li ki pou fer. E menm si ou anvi dir li i pa pou

kapab, akoz sa bann sityasyon i *fluid* i bezwen fer desizyon, ler i la devan sa bann sityasyon li menm.

So mwan mon kontan ki Lapolis i kapab pran sa desizyon li tousel e zanmen Gouvernman i annan drwa e i pou enterfer ek en sityasyon koumsa ler zot pe deroule.

Ou dezyenm kestyon lo kestyon *public health* dan landrwa lotel par egzanp i normal.

Sa bann landrwa i ganny son *SOPs* dapre en vizit par Lasante e menm si i annan *distancing* i kapab - akoz dan lotel menm i annan plis ki konbyen *bedroom*?

Parfwa ou annan 50 - *whatever ok?* E i annan plis dimoun. E li i kapab annan sa bann regroupman, selman *as long* i *design* son bann *SOPs* ki i kit sa bann dimoun latab separe. E Lotorite Lasante i donn li son drwa dapre son landrwa apre zot in fer lenspeksyon.

So sa ki sityasyon laba. So ou ti napa okenn Lalwa ki'n ganny sanze, ki'n ganny *bend*, ki'n ganny bouze ki'n ganny fer pou *fit* en dimoun. Mersi Mr Speaker.

MR SPEAKER

Mersi. Mon ava pas lo kestyon siplemanter lezot Manm. Onorab Woodcock.

HON WAVEL WOODCOCK

Mersi Mr Speaker. Bonzour Minis ou delegasyon, tou Manm e tou dimoun a lekout.

Minis mon'n al get *Public Assembly Act*, e dapre definisyon dan *Public Assembly Act* en maryaz dan en lotel i pa en *public assembly*, e ou pa bezwen permision Lasante Piblik, si sa maryaz in ganny fer dan okenn letablisman ki'n ganny laprouvazyon Lasante Piblik. Ki vedir ki nenport ki i kapab organiz en maryaz dan en lotel ozordi, *as long* ki bann *SOPs* bann prosedir sa lotel pe ganny swiv.

Sa maryaz i pa en privilez in ganny trete parey tou lezot maryaz dan lotel pou Seselwa e osi pou etranze.

Alor Mr Speaker sa kestyon ki *LOTO* in anmennen ozordi sa *PNQ*, dan mon lopinyon i en *witch-hunt* par *Leader* Lopozisyon, akoz sa garson i garson Vis-Prezidan.

Manke i ankoler akoz i pa'n ganny envite sa maryaz. Mon pa konnen. I pe sey ...

(Interruption)

MR SPEAKER

Ale !

HON WAVEL WOODCOCK

I pe sey konnekte de keksoz ki napa okenn relevans avek kanmarad. Sa i zis en bann politik bonmarse ki *Leader Lopozisyon* pe fer!

(*Interruption*)

MR SPEAKER

Arete silvouple !

MR SPEAKER

Onorab ...

(*Mic switched off*)

MR SPEAKER

... ou ava permet mwan diriz Lasanble silvouple, *ok?* Ou annan drwa *raise ou point of order* wi, me aret enteronp mon letan mwan mon pe adres en Manm silvouple!

Onorab Pillay mon ava dir ou mersi bokou pou tenir en pe lord. Onorab Woodcock ou kapab avans lo ou kestyon. Ou'n fer en gran *statement*, i ase long, so avans lo ou kestyon.

HON WAVEL WOODCOCK

Ok mon kestyon i *comme swivan* ; - Minis eski sa lotel Silhouette i annan permision

pou organiz, *host* okenn maryaz?

Dezyenmman, konbyen lotel Sesel depi pei in ouver sa lannen, ki organiz maryaz, akoz mwan tou le semenn mon pe vwar bann portre pe ganny poste lo *Facebook* bann etranze ek Seselwa, ki'n marye Sesel.

E finalman mon krwar tou Minis si zot zanfan i marye dan lefitir silvouple pa blyie envit Onorab Sebastien Pillay sa maryaz! Mersi bokou.

MR SPEAKER

Mersi. Minis ou ava adres son kestyon *please*.

MINISTER ERROL FONSEKA

Wi Mr Speaker. Mersi Onorab pou ou kestyon. Ou premye kestyon i wi, e ou dezyenm kestyon lo ki kantite maryaz? In arive plizer - Mon napa ase. Me plizer dimoun i fer laranzman.

Mr parey mon'n eksplike avan, sa bann lotel i diferan, depan ou groser, depan mannyer i kapab dekal dimoun, *Health* i ava donn li son Lotorite pou fer sa.

Me Mr Speaker, lefe ki nou pe koz lo maryaz, ou konnen ozordi nou pe get nou prop pei kot i annan en kantite *dysfunctional families*, problem, manrmay ki pa dan

en striktir stab. Nou'n vwar menm sa bann pti *video* manrmay pe vreman ganny pouse dan en direksyon ki pa apropriye.

E ler nou vwar en zenn koup ki'n pran sa *commitment* pou marye, pou etabli sa premye pliye e lafanmir ki nou pe anvi dimoun konmans pans lo la, mon ti ava pe espekte e mon ti ava pe espekte ki zot tou ozordi ki pou koze pou felisit sa koup, lefe ki zot in pran sa desizyon e in marye e annou ankouraz sa bann sityasyon.

(APPLAUSE)

MINISTER ERROL FONSEKA

E alor parey mon'n dir mon *hope* ki zot tou ki fer en prononsman ozordi e pa blyie pou felisit sa koup ki pran sa desizyon pou marye. Mersi Mr Speaker.

MR SPEAKER

Mersi. Nou ava pas lo prosen kestyon Onorab Andre.

HON CLIFFORD ANDRE

Mersi Mr Speaker. Mr Speaker an vi ki Minis i dir anvil ti annan en groupman, menm labiyman e sapo. E sa ti annan plis ki 15 dimoun.

Mon pou demann Minis si okenn dimoun ti'n demann

permisyon pou zot fer en rasanbleman anvil? Premye kestyon.

Dezyenm kestyon i swivi lo sa ki Onorab Woodcock in dir, eski Minis i kapab konfirm ek sa Lasanble, si i annan sa lenformasyon la. Eski sa lotel plito Silhouette, tou son bann *SOPs* i annord, e si sa aktivite ti ganny fer i an konformite avek sa bann *SOPs* ki'n ganny fer.

E ki si ankor enn fwa konfirmen ki letan en aktivite i ganny fer dan en letablisman prive, i pa bezwen okenn permisyon anba Lalwa pou li fer sa aktivite. Mersi.

MR SPEAKER

Mersi Onorab. Minis oule anmenn konfirmasyon?

MINISTER ERROL FONSEKA

Mersi Onorab. Pou reponn ou kestyon lo lotel. Wi sa lotel i an konformite ek son *SOPs*.

E menm sa bann group ki ti pe servi sa lotel, ti fer en vizit pou gete ki sa i annord avan. Zot pa'n zis al laba Sanmdi, zot in fer serten preparasyon, akoz sa i enportan pou fer. E so tou sa bann kestyon ki ou'n demann lo lotel i annord.

Ou dezyenm kestyon, non zot pa bezwen demann permisyon pou fer en

rasanbleman. Zot bezwen zis enformen.

E si zot in demann permisyon non, zot pa bezwen demann permisyon, zis enform Lapolis. Mersi Mr Speaker.

MR SPEAKER

Mersi. Siplementer swivan, Onorab Henrie.

HON GERVAIS HENRIE

Mersi Mr Speaker. Bonzour tou dimoun. Mr Speaker bomaten mon'n fer li mon devwar, mon'n *call General Manager Hilton Labriz Silhouette* Mr Andre Borg sorti *Malta* pou demann li si son lotel i an konformite avek Lalwa, pou fer sa en tel levensnman in reasir mon ki'n annan de standar.

Lefe ki *Hilton* i en *chain* enternasyonal, zot annan en standar ki zot mentenir.

E dezyenmman parey Minis in dir nou, zot in fer li an konformite, avek bann regilasyon demann e par Lotorite Lasante Piblik.

Alor mon kestyion i se ki, ki mon oule ki Minis i reasir nou, Minis i reasir nou, ki Gouvernman an vi ki nou pe redemar nou lendistri tourizm kontrerman avek sa ki serten pa ti oule nou ouver nou lafrontyer, ki bann lotel zot an konformite avek Lalwa ?

E ki alors zot non avek repitasyon, pa ganny trennen dan labou dan Lasable Nasyonal.

E dezyenmman ki bann maryaz sitwayen prive ki fer letablisman, i pa vin topik kontrovers politik dan Lasable Nasyonal, si zot an konformite avek bann regilasyon ki Lasante Piblik i demande?

MR SPEAKER

Mersi Onorab. Minis ou larepons.

MINISTER ERROL FONSEKA

Mersi Mr Speaker. Mersi Onorab Henrie pou ou sa lasirans ki ou pe demann mwan. E sa i en keksoz enportan. Ou konnen sa keksoz ki nou fer nou pa kapab zis get en bout san get lenplikasyon. I en matirite ki nou devret annan ki sa keksoz ki nou fer, nou gete ki sa lefe. E parfwa menm ek bon volonte i annan lefe negativ.

E dan sa sityasyon kot repitasyon i été, nou dan en sityasyon la dan pei kot nou sorti nou pe naze, nou nennen i par lao delo, nou pa oule en dimoun met lanmen par lao nou latet pez nou anba delo pou pran en delo gorze.

E nou bezwen fer tou sityasyon ki nou kapab fer, pou

devlop nou *tourism* pou fer biznes marse pou dimoun i ava travay i ava asire ki son louvraz i annan sekirite. E tou keksoz ki nou fer nou bezwen kalkil nou lekonomi, nou bezwen kalkil pei an antye. So sa i en keksoz enportan.

So nou bezwen en pti pe sa *maturity* ler i arriv lo nou bann naturelman konba politik i enportan. *We need to get sa maturity* ki nou fer bann parol bann desizyon.

Lo kestyon *private endividé* prive, ok. Ou konnen toultan mon dir dimoun nou tou nou devret sa kestyon, ki kalite Sesel nou anvi vwar? E sa i enportan pou nou tou demann sa.

E ler nou pe koz lo dimoun *in the private surroundings and all that*. I delika. Konmela napa okenn *boundaries* si oule dan pei.

Ou get lo *Facebook* zis en dimoun i akiz sa boug laba, akiz laba! Nou bezwen konmans nou menm nou dan sa Lasanble konmans pran kont sa bann sityasyon e kalkil sa Sesel ki nou anvi annan. So nou bezwen *be prudent about* sa bann zafer.

Mon kontan ou'n *raise* sa sityasyon, e mon ti ava profite dir tou bann Manm Lasanble

kontinyen lev sa bann sityasyon ler zot koze. Mersi.

MR SPEAKER

Mersi Minis. Kestyon swivan Onorab Vidot.

HON AUDREY VIDOT

Mersi Mr Speaker. Bonzour Minis ek ou delegasyon, tou Manm Onorab e tou dimoun ki a lekout.

Mr Speaker zis avek ou permisyon mon ti ava voudre pas mon kondoleans avek lafanmir Appasamy ki'n perdi son lavi. Lakominote Roche Caiman i solider avek zot lafanmir dan sa moman difisil.

Mon kestyon pou Minis, Minis Seselwa la deor i oule vwar en Gouvernman ki montre latransparans e pratik sa ki zot prese. Parey ou'n prese la bomaten, Seselwa i anvi vwar sa bann pratik ganny prese.

Alors mon premye kestyon, kan ki Seselwa pou vreman vwar Gouvernman LDS pres sa ki i pe prese, espesyalman konmansman par son Dirizan?

Dezyenm kestyon Minis sey eksplik Seselwa la deor ki pe ekoute, ki mannyer i marse sa pratik, kot nou dan Lasanble la nou annan plis ki nou kantite Manm enkli zot bann plis ki 10 dimoun, nou pe met nou mas.

Dimoun i marse dan bis i met mask. Dimoun i al dan legliz i met mas. Bann dimoun ki fer lanterman i ganny egzize sa lakantite zot, zot met mas menm si i annan dimoun ki pa sorti dan menm lakour.

Me parkont nou pe vwar ki i annan serten letablisman prive, parey nou'n vwar bann limaz in ganny sirkile kot i annan ki napa mas. Preski mazorite zot napa mas.

Alors eski zot pe vin dir ek nou sa Gouvernman poudir i annan de pwa demezir dan sa pei ozordi?

MR SPEAKER

Mersi Onorab Vidot lo ou premye kestyon, sipoze pe demann sa an relasyon avek lensidan ki'n ganny referans dan kestyon. Alor Minis ou ava kapab adres son kestyon silvouple.

MINISTER ERROL FONSEKA

Mersi Onorab Vidot pou ou kestyon. Mon krwar sa bann pwen ki ou'n fer resorti, bann pwen ki tou dimoun, pa Gouvernman ouswa dimoun ki pa dan Gouvernman.

Tou dimoun i bezwen pran kont lo la. E osi ankouraz dimoun obor zot pou fer sa. Annou *realistic*. Nou anvi tou dimoun met mas, me nou

konnen osi parfwa ki i arive parey i annan serten sityasyon ler zot *distance* zot pa pe mete. Me nou tou nou bezwen fer sa.

Mon krwar pa si sa en keksoz ki nou kapab dir Gouvernman pa pe fer, non nou tou.

Me selman i pa en nivo ki mon pou al depouye silvouple. Mon pou les sa mor koumsa akoz mon krwar sa ki ou'n dir i en bon keksoz pou nou *practice* nou tou. Me selman i pa en keksoz ki kapab ganny defann pou al aprofonnan. Mersi Mr Speaker. Mon pa kapab reponn sa kestyon. Akoz i pa fer sans dan sa ka koumsa. Mersi.

MR SPEAKER

Mersi. Wi me in adrese ou kestyon in dir i pa pou reponn. Mon ava pas lo Onorab Labonte silvouple.

HON ANDY LABONTE

Bonzour Mr Speaker. Bonzour *a tous* ki a lekout, Minis avek *panel*.

Bon mon kestyon i al en pe lo *Licensing* Minis. Minis ou ti kapab dir sa Lasanble, si Lapolis i annan pouvwar ou drwa pou kennel en aktivite ki en restoran oubyen en lotel i organize anba son *license* ki i pe peye e i ganny permision anba biro *Licensing Act*?

Me si wi, anba ki Lalwa i annan pouvwar pou fer sa? Me antretan Minis mon ti ava kontan menm felisit sa koup ki in pran sa *step*.

E osi felisit ansyen Mr Speaker, ki selebre son lanniverser letan ki i annan en group ti pe sirkile dan lavil poudir "Prezidan OUT!"

MR SPEAKER

Mersi Onorab. Minis ou ava adres son kestyon.

MINISTER ERROL FONSEKA

Mersi Mr Speaker. Mersi Onorab pou ou kestyon. Onorab konpran *Licensing Act* i la li, me selman i annan en keksoz i *supersede Licensing Act* la i *the Health Act* dan *Health Emergency*. Ok?

So ti sanmenm tou sa bann landrwa, tou sa letablisman zot ganny vizite par *Health*. E parfwa zot ganny *restricted* menm si zot *License* i permet zot fer serten keksoz, zot ganny serten restriksyon akoz sa i *supersede* sa *licensing on its own*.

So tou sa bann landrwa pou annan zot diferan *SOPs* dapre *the Health Act*. Mersi Speaker.

MR SPEAKER

Mersi Minis. Onorab Sandy Arissol.

HON SANDY ARISSOL

Mersi Mr Speaker. Bonzour Mr Speaker. Bonzour Minis avek ou delegasyon. Bonzour tou bann Manm ek tou dimoun ki a lekout.

Mr Speaker mon anvi zis fer resorti poudir anba nouvo normal in annan en seri maryaz ki'n pase dan pei, i pa sa premye maryaz. In annan plizyer lanterman e mwan mon ti dan enn Sanmdi pou Mrs Zita Hertel.

E letan i annan tou sa bann deroulman pe arive, i annan dimoun ki selebre son lanniverser. Par egzanp i apel son lekor, '*The Men*', '*The Myth*', '*The Legend*' ...

(laughter)

HON SANDY ARISSOL

... avek son *blue label*, son de gro gato, sa i bann levennman ki pe arive dan sa nouvo normal. E i ok sa, napa problem.

Alor mon kestyon ki mon ti ava kontan demann avek Minis Mr Speaker, mon ti ava demann avek Minis, an vi ki anba vye ladministrasyon letan ou ti rasanble, ou ti ganny bouskile maryose, koudpye,

rann lapel lopital, e nou ti menm annan dimoun ki ti dormi dan kase e Speaker ki la anler ozordi ti dormi dan kaso en nwit. Akoz nou ti rasanble.

Eski anba nouveau l'administrasyon, ou kapab eksplik nou en pti pe ki mannyer ti pase sa levensman Sanmdi ki mannyer ti fini? Avek vvolans? Ti fini avek versman disan Minis? Eksplik nou en pti pe ki dimoun deor pe swiv kapab tandem.

Mon dezyenm kestyon ki mon ti ava kontan demann ou se, letan ou'n koz lo Lalwa POA mon'n tann AG in eksplik nou en pti pe, kekfa pou rikord piblik, dir nou, lekel ki ti pase sa Lalwa, ki mon'n tann AG in apel li anti-konstitusyonnel, lekel ki ti pas sa Lalwa anti-konstitusyonnel sa letan?

E lekel pe demann zisteman klarifikasyon lo sa Lalwa ki in vin konstitusyonnel ozordi?

Ti ava bon pou kekfa pou piblik konnen lekel ki pe *shoot* son lekor dan son lipye an relasyon avek sa ?

E mon dernyen mon trwazyenm mon dernyen kestyon Mr Speaker, mon ti a kontan demann avek Minis an vi ki ou'n dir poudir pa bezwen permision ozordi, apre ki nou nou'n lager pou sa.

E mwan mon rapel mon enn bann dimoun ki'n toultan lyez avek Lapolis pou bann aktivite politik ki nou ti fer e Molly i en dimoun ki mon'n lyez avek souvan Sekreter Komisyoner, bann Sekreter Komisyoner dan lepase.

Eski ou pe dir nou Minis poudir bann dimoun ki pe desann anvil, ki pe rasanble sa detrwa zot la ki pe rasanble anvil. E si zot napa okenn notifikasyon, sa i vedir poudir sa parti politik ki zot asosye avek ki fer zot triko, ki fer zot banner pa pe donn zot sipor, pa pe montre zot okenn valer.

E menm zot annan zot parti *leader* ki ti ansarz *Public Health* en lepok, li i pa pe desann, acoz i konnen Lalwa pa permet li desann dan sa moman koumsa, e li i pa vin sipor zot. Eski sa ki ou pe dir nou Minis? Mersi bokou.

MR SPEAKER

Mersi Onorab Arissol. Minis ou repons silvouple.

MINISTER ERROL FONSEKA

Sorry Mr Speaker. Mersi Onorab pou ou kestyon. Ok sa groupman ki ti arive, in ganny rezourd byen, pa parey avan kot ti annan plizyer, plizyer - mon rapel - I mean mon rapel partou anvil ki mannyer keksoz ti ete.

E ou vwar Gard Baton isi laba. Dimoun pe taye, *tear gas* partou. I-i -lontan ler Lapolis i entervenir en groupman i vin en nespes rayot. Akoz rayot pe ganny fer par Gard Bate, dimoun zis pe taye. So i ti en lot fason.

Ou ti krwar ki si ti annan rayot zot a vini, ler zot vini zot ki fer rayot ek sa bann sityasyon. Non tousala in sanze i bon in sanze, me selman mon pa oule tro al dan sa bann letan pase, akoz nou tou nou konn zistwar.

Ou konnen Onorab permet mwan pou pa pou rann tou repons ou kestyon, me plito donn ou en persepsyon ki mon ti ava kontan vwar.

Ou konnen nou annan en bon Lalwa i vre Lalwa ti mal avan ti *unconstitutional*, nou'n sanze.

La nou bezwen nou tou nou bezwen konmans edik dimoun ki mannyer pou servi sa Lalwa. Ki mannyer pou *enjoy* li. Ki mannyer si ou annan en keksoz ou anvi fer en *statement*, vin fer demonstrasyon, vin fer *statement* sa ki ou anvi fer ki mannyer pou fer li. E *enjoy* li akoz ou pe servi ou Lalwa byen.

Si ou pou servi sa Lalwa la zis pou en rezon, ki vreman napa en bi deryer *apart from* fer

nwizans, ou pa pe servi Lalwa byen.

Ok Lalwa i la pou ganny servi li byen e permet ou. E si ou annan en pwen for, ou anvi fer ou pwen for, ou vini ou servi li.

E parey AG in koze lo sa *Speakers' Corner* e mon krwar AG the *Speakers' Corner* i pa en keksoz ki koriz mwan ki ou demann permision, ou kapab al laba konmans koze. *Ok ou kapab dormi laba tou.*

So annou ankouraz dimoun servi sa demokrasi ki nou'n met la an plas, pou zot ki kapab *enjoy* sa demokrasi e lezot dimoun toultour zot pa ganny afekte. Mersi Mr Speaker.

MR SPEAKER

Mersi Minis. Bon mon lekel *point of order* Onorab Pillay.

HON SEBASTIEN PILLAY

Mr Speaker nou dan en Sesyon Kestyon e Konstitisyon i prevwar ki Minis i bezwen vin devan Lasanble pou li reponn kestyon.

I dir ou "*a Minister shall ...*" pou li vin reponn kestyon dan en keksoz ki konsern son travay *ok?*

A de repriz ou'n les Minis fer bann *statement* dan Lasanble ki menm kontradir

larepons ki in gannyen. La i fek fer enn la, kot son prop AG fek dir li poudir Lalwa *Speakers' Corner* i ti ganny *repeal*. Ti annan en *annulment* sa S.I. E Minis i dir dimoun i kapab al *Speakers' Corner* Onorab Arissol i dir menm dormi laba, Minis i repete menm dormi laba.

Mon espekte ou konman Speaker pou annan en serten ... Ou dir mon les ou pou *run Lasanble*, mon pe les ou *run Lasanble* Mr Speaker!

MR SPEAKER

Be egzakteman.

HON SEBASTIEN PILLAY

LDS zot pa kapab zwe refri zot menm zot tou ansanm!

MR SPEAKER

Egzakteman Onorab Pillay. Les mwan *run Lasanble* !

HON SEBASTIEN PILLAY

Be *run Lasanble* pou pran en aksyon avek.

(APPLAUSE)

HON SEBASTIEN PILLAY

Si non si sa i kontinyen nou pou bezwen al lot kote laba Ankour !

MR SPEAKER

Onorab Pillay mon pe demann ou pou aret *argue* avek mwan silvouple.

HON SEBASTIEN PILLAY

Mon pa kapab aret *argue* avek ou.

MR SPEAKER

Aret *argue* avek mwan. Mon pe dir ou mon pa aksepte sa. Minis mon satisfe avek repons ki Minis in donnent. Mon ava fer remark pou Onorab Pillay ki *Standing Order* i dir si en Minis pa'n reponn son kestyon direkteman, Manm i aksepte ki sa i en repons.

So sa i leka. E Minis in reponn sa kestyon. Mersi mon pou aret bann siplemanter la. E mon pou kestyon letan e mon pou donn 10 minit.

Wi be ou'n lev ou lanmen dernyen Onorab Georges. Eskize tou le de kote.

(Off-mic)

MR SPEAKER

Non-non-non mon'n pran -

(Interruption)

MR SPEAKER

Order! Mon'n pran bann Manm ki'n lev lanmen dan lord ki zot in lev lanmen, e zot in demann

kestyon. *I am sorry.* E Onorab *Leader* Biznes Gouvernman avek tou respe ki mon annan pou ou, ou'n zis lev ou lanmen dernyen se tou. Mersi.

Mon pou pas lo kestyon, *Question Without Notice* e mon demann Onorab Cosgrow pou poz son kestyon.

HON WALLACE COSGROW

Bonzour Mr Speaker. Mersi Mr Speaker. Mersi pou donn mon loportinite pou poz mon kestyon, menm si taler mon pa'n ganny sans.

Kestyon i al koumsa Mr Speaker ;-

Eski Lasanble i kapab (kestyon pou Minis Fonseka) eski Lasanble i kapab ganny en leksplikasyon lo ki lapros Departman Imigrasyon i pran avek bann endividé, ki serten Lotorite dan pei pe rod zot ler sa bann endividé i swa pe antre oubyen pe kit pei? Mersi Mr Speaker.

MR SPEAKER

Mersi Onorab Cosgrow. Minis ou kestyon silvouple. Abe mersi wi. En moman Minis silvouple. Bann zofisyé ki ti la pou premye kestyon *Private Notice Question* petet zot letan i en pe sere, zot annan lezot biznes pou ale, alor mon ava permet zot fer zot depar la a se moman. AG e Mr

Songoire. Mersi bokou e bonn zournen.

(ATTORNEY GENERAL AND MR SONGOIRE WERE EXCUSED FROM THE HOUSE)

MR SPEAKER

Minis ou ava adres kestyon silvouple.

MINISTER ERROL FONSEKA

Mersi Mr Speaker. Mersi Onorab pou ou kestyon. Departman Imigrasyon i annan an plas en sistem elektronik ki detekte okenn dimoun ki swa pa devret antre dan pei oubyen kit pei.

Dan lenstans kot en etranze i ki pe antre oubyen sorti dan pei, pe ganny rode par en Lotorite lokal, oubyen enternasyonal, lotorite Imigrasyon i normalman aret sa dimoun lo pwen arive, oubyen pwen depar, e refer li avek sa Lotorite konsernan.

Da ka en Seselwa ki Imigrasyon in resevwar en *alert* pou anpes li kit pei, Lotorite Imigrasyon pou notifye sa Lotorite konsernan letan sa dimoun i prezant son lekor, avek bi pou li kit pei.

Sa mezir i osi aplik pou bann Seselwa ki pe retourn dan pei. E Imigrasyon letan in resevwar en notis i averti sa

Lotorite letan sa dimoun in arrive.

I enportan pou mwan fer resorti. Ki Lotorite Imigrasyon, napa drwa anpes okenn dimoun kit pei, si napa en lord Lakour ki permet li fer sa. Mersi Mr Speaker.

MR SPEAKER

Mersi Minis. Onorab ou annan siplemanter? Wi.

HON WALLACE COSGROW

Mersi Mr Speaker. Wi Mr Speaker, mon annan siplemanter, mersi Minis pou ou larepons.

Minis mon pa pou fer okenn gran, gran letour, mon pou vin drwat lo sa ki mon bezwen koz lo la.

Resaman in annan en Seselwa ki'n antre dan pei, e ki'n ganny sans kit pei, kot in annan ka *against* li, pou *tax evasion* ouswa dwa *tax*. In annan lezot ka ankor.

Ki mannyer sa endividé in nobou antre san okenn alert Imigrasyon, ki mannyer sa endividé in nobou sorti malgré ki Imigrasyon in ganny alerte ler i pe sorti, e in nobou kit pei ?

Eski i annan en dekoneksyon ant Imigrasyon avek bann lezot Lazans Lotorite lord Sesel? Ki konfyans Minis

nou annan dan sa *alert* sistèm?

Akoz boner ou'n dir ki poudir in menm petet etranze, si par egzanp i pe ganny rode par *Interpol*, ki konfyans i annan dan sa sistèm ki pou *alert* bann zofisyé lafors lord isi Sesel, pou kapab kominik avek *Interpol* ouswa avek bann lezot Lazans?

E i posib Minis i kapab annan lezot dimoun ki'n pase dan sa *net* san ki i ganny tyonbo! Mersi Mr Speaker.

MR SPEAKER

Mersi Onorab. Madanm Clerk mon pa vwar *Question Without Notice* dan mon *Order Paper*. Eski ou annan enn devan la silvouple? Mersi. Byen Minis ou ava prosede pou reponn kestyón Onorab Silvouple,

MINISTER ERROL FONSEKA

Mersi Mr Speaker. Mersi Onorab pou ou kestyón. E ou anvi en lesplikasyon lo sa lensidan ki'n arrive.

Ok zis avan mon konmans eksplik sa, zis mon oule fer diferans ek en *alert* ek en *warrant*.

Nou sistèm lo ki dan Imigrasyon, i donn ou en *alert* lo en dimoun. Parfwa sa *alert* i kapab ganny siporte par en *warrant*. En *warrant* i dir ou en

lord ki Lakour in dir ou fer. E petet i annan en *agency* ki ou bezwen apele Lapolis, *Customs whatever* pou sa *warrant*.

So sa sityasyon ki ou pe koz lo la, ti annan en larantre sa Seselwa le 9 Septanm. E i ti depar le 13 Septanm.

Lo son larantre naturelman ler in antre ti annan en *alert* lo li. Sa *alert* ti ganny antre dan sistenm an 2014.

E sa *alert* ti la pou zis *refer* sa endividé ek Lapolis. Ler in antre le 9 malgre, ki ti *alert* ti la lo sistenm, sa zofisyé Imigrasyon pa ti akt lo la. E sa i anba lenvestigasyon pou lemoman e aksyon discipliner pou ganny pran si i neseser zour nou ganny sa *investigation* i ganny konplet.

Me sa pa plis ki sa. Plis i sa dimoun in antre dan pei. E le 13 i pe resorti. Ler i pe resorti sa Imigrasyon *officer* in vwar sa *alert* in aret li.

Me parey sa *alert* in dir enform Lapolis. E ler Lapolis in ganny enformen in dekouver ki sa *alert* ti *refer* pou en ka ki en ka ki ti al Ankour, en ka *employment* ki ti'n al Ankour.

E son *Lawyer* in vin ek en rezulta Lakour ki ti *nullify* sa prosedir. E alor sa *Court* desizyon ti montre ki nou pa ti kapab tenir sa dimoun. E nou ti bezwen les li ale. E ti napa

okenn *warrant* pou *arrest* li akoz sa ti'n ganny *nullify*.

Me parkont mon'n fer plis *investigation*, akoz mon'n ganny serten lenformasyon from SRC ki ti annan en zot dir mwan en *warrant*.

Mwan mon'n al mon'n fer nou *Immigration officer* al tyek dan *Registrar* napa okenn *warrant* ki nou ti kapab servi lo sa dimoun. Pa egziste.

Me still nou'n fouy an plis ki sa. Nou'n fouye, nou'n fouye nou'n vwar en dokiman date 2018, kot SRC in avoy kot en *technical advisor* kot Imigrasyon pou li antre sa *alert* dan sistenm.

Sa *alert* ki ti devret vin la ki *refer to SRC*, ki SRC i bezwen vwar sa endividé pa ti ganny mete dan sistenm.

E pou sa rezon mon pe pas sa ka kot *Anti-Corruption* akoz sa ti'n merit ganny antre dan sistenm.

So si sa ti'n ganny antre, still nou ti kapab zis *refer* li sa dimoun avek SRC. Me pou li kapab arete fodre i ti annan en *warrant*. Me tousala pa ti dan sistenm. E napa *warrant* parey mon'n dir ki nou'n tyek kot rezistrar napa as a *warrant*.

Me parkont i annan en ka Ankour ki pe kontinyen arive, le 6 Oktob. So la nou pou bezwen esper le 6 Oktob pou gete ki i

arive Ankour e dapre rezulta Lakour nou, nou ava kapab fer nou desizyon ki pou fer avek *obviously* ek korporasyon SRC, nou ava gete ki nou pou fer apre sa ka ki pou arive le 6 Oktob ki pa tro lwen ek nou.

Sa mon'n donn ou en rann kont lo sa sityasyon. Mersi Mr Speaker.

MR SPEAKER

Mersi. Lo Kestyon *Without Notice*, mon pa pou pran lezot siplemanter, e sa pou rezon letan. 10er ti'n programmen pou mon pran en lot Minis.

Minis mon ava dir ou mersi avek ou delegasyon, e mon ava swet ou bonn zournen. Madanm Clerk ou ava donn notis nou *staff* pou *sanitize* silvouple, letan nou pran en pti poz teknik.

(technical break)

MR SPEAKER

Bon mersi mon ava pran Lasanble to *order* e madanm rapporter ou ava apel Minis avek delegasyon pou premye seri kestyon silvouple.

Bonzour e byenveni Minis Flavien Joubert Minis pou Lagrikiltir, Sanzman Klima e Lanvironnman.

E egalman pou son delegasyon Mr Keven Nancy PS pou Lagrikiltir, Mrs Linetta Estico CEO *Seychelles Agriculture Agency* e Mrs Elsa Quatre Senior Accountant. Nou ava konmans avek kestyon ki'n ganny mete pou Minis e premye Manm i Onorab Gervais Henrie.

HON GERVAIS HENRIE

Mersi Mr Speaker. Bonzour tou dimoun. Kestyon 86 i lir koumsa ;-

Eski Minis pour Lagrikiltir i kapab donn en kontrandi Lasanble Nasional lo lentere ki annan ziska la par bann fermye pou pret larzan dan *Scheme Agriculture Development Fund* avek bi pou agrandi zot bann aktivite?

E konsernan sa menm *Scheme*, eski Minis i kapab enform Lasanble lo demars ki pe annan pou asire ki bann ki pret larzan i rann sa ki zot dwa? Mersi.

MR SPEAKER

Mersi Onorab. Minis ou respons silvouple.

MINISTER

JOUBERT

Mersi Mr Speaker. Bonzour tou bann Manm. Bonzour tou bann telespektater ki pe swiv nou bomaten.

FLAVIEN

Mersi Onorab pou ou kestyon. Mr Speaker dapre bann lenformasyon ki nou annan, bann lenformasyon ki nou annan i montre klerman, ki i annan en bon norm fermye ki montre lentere pou pret larzan anba *Scheme ADF*. Akoz i annan plis fermye ki'n fer en *loan* anba sa programm.

I bon note ki lakantite fermye in fer laplikasyon pou *loan* in aktyelman ogmante. E depi konmansman Zanyye ziska Me lannen 2021 i annan 9 *loan* ki'n ganny aprouve e sa i pou en total R8.958milyon.

E sa pandan zis en peryod 5 mwan. E laplipar sa bann *loan*, ti al ver depans pou aste novo lekipman ek teknolozi, renovasyon bann lenfrastruktir ki egziste konstriksyon novo lenfrastruktir.

E osi facilite pou agrandi facilite devlopman bann biznes lagrikiltir.

Pandan lannen 2020 ti annan zis 9 *loan*. *ADF* ki ti ganny aprouve sa i ti pou en total 11.287milyon. Pandan lannen 2019 ti annan 25 *loan* ki ti ganny aprouve sa i ti pou en total 7.3milyon.

E pandan lannen 2018 ti annan zis 12 *loan* ti ganny aprouve e sa ti en total 5.346 milyon.

Alor Mr Speaker, parey nou'n demontre, zis pou sa premye 5 mwan nou'n vwar en gran lentere dan sa *Scheme*. E nou pe espekte ki by lafen lannen nou pou annan en bon pe plis dimoun ki'n demann pou pret larzan anba *Scheme*.

Anba Bidze 2021 Mr Speaker, Minister ti demande ki sa lasistans anba *ADF* i ganny ogmante. E en revizyon ti ganny fer an Fevriye 2021, ki aprezan laplikasyon in kapab fer, i kapab ganny fer pou en maksimonm *loan* ziska R5 milyon.

E sa in fer ki sa *Scheme* i vin bokou pli enteresan pou bann aplikant.

E osi nou bezwen fer remarke ki total larzan ki disponib pou prete anba sa *loan* in monte, e aprezan nou apepre R24milyon ki disponib pou ganny servi pou *Scheme*.

Kot i konsern dezyenm parti kestyon Onorab, lo kote repeyman, *ADF loan* i annan en striktir an plas pou rekouver bann det oubyen bann aryeraz. Zis pou fer remarke Onorab ki i annan en bon pe aryeraz anba sa *Scheme* e 53poursan i an aryeraz aktyelman.

E lanmwatye sa 53poursan i ganny konsidere konman en loss. I annan en kantite bann vye *loan* depi avan

ki la, e ki anba ki ganny konsidere konman bann aryeraz.

Sa striktir ki egziste aktyelman, i osi responsab pou fer swivi ek evalyasyon bann proze ki'n ganny finanse anba *Scheme*. Si apre tou zefor pou rekouver bann det bann aryeraz i persiste, i annan lenplikasyon legal ki ganny pran par Labank *DBS*.

Lo kote Departman Lagrikiltir, nou osi an diskisyon avek Minister Finans pou ranforsi striktir kontrol sistem kontroll, spesifikman pou ranforsi Komite *Loan* kot Minister, ki ava esey ki ava ede pou sey koup lo letan ki pran pou *loan* ganny aprouve.

E osi entrodiksyon bann rapor regilye par Lagrikiltir avek Finans, pou ki nou ava kapab atak okenn problem ki arive boner. Mersi Mr Speaker.

MR SPEAKER

Mersi Minis. Siplementer Onorab Henrie.

HON GERVAIS HENRIE

Mersi Mr Speaker. Mersi Minis pou son larepons. Mon pa partikilyerman annan siplementer pou dezyenm parti kestyon.

Baze lo lenformasyon Minis in donn nou, mon anvi

demann li ki kantite serye ki kantite serye bann dimoun ki pe prete anba sa *Scheme* i tret zot *loan* dan konteks ki sa *Scheme* i en *Revolving Fund* li. Si son larzan pa rantre lezot dimoun ganny difikilte pou *borrow*.

So ki degre serye bann dimoun pe pran, e ki travay pe fer avek zot spesifikman pou rann sa larzan. Premye?

Dezyenmman, eski sa fon i soutenab a lonterm? E dernyen *how far back* ki sa problemm repeyman i egziste? Akoz mon annwiye si osi bokou pa'n ganny fer pou edik bann dimoun, nou konpran bann difikilte ki zot gannyen, me pou repeye. Mwan sa ki mon'n vwar se ki ziska 2013 ansyen Minis Lagrikiltir Mr Peter Sinon ti pe koz lo sa problemm repeyman. As *far back as 2013* ki mwan mon'n kapab vwar.

So mon anvi Minis dir nou *how far back* ki zot annan bann rikord, problemm repeyman? Mersi.

MR SPEAKER

Mersi Onorab. Minis ou repons.

MINISTER JOUBERT

Mersi Mr Speaker. Mersi Onorab pou sa bann pwen

FLAVIEN

siplementer. Mr Speaker ki kantite serye bann dimoun i serye, bann ki pret larzan?

Nou vwar ki bann ki mwan mon'n fer kontak avek aktyelman ki pe demann larzan anba fon, bokou zot, zot plan biznes i korek, zot bann detay lo lafason ki pou repeye i korek.

E i annan en bon pe malgre nou annan sa bann problemm repeyman nou bezwen note, ki i annan en bon pe dimoun osi ki pe vreman repey zot *loan* dan en fason disiplinen. E sa bann nou pa vwar zot akoz zot senpleman fini pey zot *loan*. E zot kontinyen avek zot biznes.

Alor nou pou bezwen fer sir nou pa met tou dimoun dan menm sak. I annan en kantite ki pe fer en bon travay e ki pe repey zot *loan* dan en fason normal.

Byensir i annan serten ki donn en pe problemm. E apre i annan serten osi ki serten sirkonstans letan nou pe get dan bann lalis, serten sirkonstans i osi ede pou kree en problemm lo sa *Scheme*.

Par egzant i annan fermeye ki, i annan ki ariv lanmor, resaman kot in annan de ka kot nou'n bezwen sinyen pou *write-off* akoz sa dimoun i nepli malerezman in mor.

I annan osi ka kot serten dimoun zot ganny difikilte dan zot biznes *partnership* eksitera, e later pa ganny itilize. Apre later i ganny repran.

So i annan sirkonstans osi ki anpes en dimoun pou li kontinyen repey son *loan* dan en fason regilye.

Me mon pou dir ki i annan en bon norm dimoun ki serye. Me i annan serten byensir en pti poursantaz ki zot pa tro serye. E sa bann ki mezir i bezwen ganny pran pou kapab *recovery* sa larzan avek zot.

Eski sa fon i soutenab dan lonterm? Bann diskisyon ki mwan mon'n annan avek bann dimoun par egzant pou Finans, se ki si nou aranz sa fon byen, e si nou travay avek nou bann dimoun. E si nou tir bann vye det osi e si nou'n travay ek bann dimoun ki serye, ozordi nou fer en pli bon fason pou swiv zot, pou selekte zot proze.

E pou travay avek zot letan zot in konmans zot proze, sa fon i kapab vin soutenab. E dimoun i kapab ede pou ed sa fon grosi pou ki i kapab ed lezot.

Alor i kapab vin soutenab dan *long term* mon pa en analiz finansyel. Me selman letan mon pe gete si keksos i ganny fer byen. E si lamazorite dimoun pe repeye i merit soutenab.

Sa size repeyman Onorab ki letan? Lenformasyon ki mon'n ganny donnen, ki mon'n gannyen kot Lagrikiltir, se ki i annan *case* ki son dat konmanse depi 2006.

Alor i bann *case* ase vye nou pe koz 15an e apre sa in annan lezot *case* ki'n vin apre. Selman i pa toutafe bann *case* ki'n fek arive la, en bon pe i bann vye det ki'n fini depans son letan.

E ki la lo rikord e preznan Gouvernman pou bezwen analize e deside ki pou fer avek. Mersi.

MR SPEAKER

Mersi Minis. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon. Mr Speaker, eski Minis ti pou kapab dir nou ki novo mekanizm ki SAA pe mazin met an plas, apard sa ki in dir nou pou akseler sa prosesis, letan en fermye i fer son laplikasyon ziska ki i ganny son *loan disbursed* par *DBS*, pou anpeste ki fermye i monte desann oubyen vir an ron pou zot ganny asiste?

Parske malgre ki i annan *diligence* ki bezwen ganny fer par bout SAA e *DBS* parfwa sa

prosesis i al plis ki 1an edmi ou plis.

E *by the time* ki letan sa dimoun i ganny son larzan dan son lanmen son premye porsyon, pri materyo in sanze e *proforma invoice* nepli valid.

Kwa ki kapab ganny fer an plis pou amelyor sa kalite sityasyon? Kwa ki kapab ganny fer ki kalite travay kolektiv ki kapab ganny fer ant SAA avek *DBS* ansanm? Mersi.

MR SPEAKER

Mersi Onorab. Minis.

MINISTER

JOUBERT

Mersi Onorab pou ou kestyon. Mr Speaker kot i konsern lazan ek Departman li menm parey ou konnen nou pe reorganiz en pe bann fonksyonnan dan Lazans.

E enn bann keksoz ki nou pe fer, se ki nou pe met an plas en *unit* ki pou *focus* plis lo sa size *loan* ansanm avek *DBS*, pou travay an lyezon avek *DBS*, pou fer sir bann keksoz i bouze.

Mon rekonnert ki i annan bann ka kot dimoun in ganny demande pou esper en kantite letan, e sa nou bezwen aksepte, nou bezwen korize, konman enn bann keksoz priyorite. Akoz i enn bann keksoz ki dekouraz fermye.

FLAVIEN

Lot keksoz ki nou pe gete se nou bezwen met tou nou bann prosedir ek nou bann *deadline* an plas.

So si en dimoun i fer aplikasyon nou bezwen konnen dan 15 zour fodre i ganny repons, dan en mwan fodre fini ariv *DBS* eksetera. So tou sa bann prosedir sa bann letap, fodre i ganny dokimante e ki fodre nou bann zofisyen i swiv.

Akoz nou pa kapab depan lo zis diskresyon en dimoun zour i deside donn latansyon tel ou tel aplikan.

Alor nou bezwen fer sir ki nou kapab dokiman e met an plas nou bann prosedir, e osi fer sir ki nou annan en group dimoun ki bokou pli organize pou travay lo bann *loans* e tretman bann dosye bann fermye. E sa nou pe fer li atraver sa restriktirasyon ki nou pe fer aktyelman la kot Lagrikiltir. Mersi.

MR SPEAKER

Mersi Minis. Nou ava pas lo kestyon swivan e sa se kestyon 87 Onorab Rocky Uranie.

HON ROCKY URANIE

Mersi Mr Speaker. Bonzour Minis avek ou delegasyon. Bonzour tou koleg *MNA*. Bonzour tou zabitan zil pros a lekout.

Minis malgre later lagrikiltir i limite lo La Digue, i ankor annan dimoun ki anvi en bout later pou fer aktivite lagrikiltir. Eski Minis i kapab dir nou Lasanble, konbyen laplikasyon pour later lagrikiltir in gannyen sorti kot zabitan La Digue e konbyen ki dan *process* pou ganny en morso later e konbyen ki pa pou gannyen? Mersi Mr Speaker.

MR SPEAKER

Mersi Onorab. Minis ou larepons.

MINISTER

JOUBERT

Mersi Mr Speaker. Mersi Onorab pou ou kestyon. Mr Speaker pou lemoman i annan 6 aplikan lo La Digue ki lo lalis pou later lagrikiltir.

Departman Lagrikiltir i deza pe fer en travay avek L'Union Estate pou met serten morso later disponib pou sa bann aplikan. E sa bann later ki nou pe targete in ganny trouve Anse Reunion e osi Grand Anse.

Letan sa legzersis i konplete, nou espekte ki nou pou kapab satisfer bezwen tou sa bann aplikan ki aktyelman lo lalis. Nou pe espekte ki nou pou kapab fer sak aplikan ganny apepre en ektar later

FLAVIEN

dapre sa ki nou kapab trouve. Me si i annan plis nou ava kapab azout ankor avek.

Annefe Mr Speaker, nou zofisyen proze, i fek fer en vizit La Digue semenn pase pou adres bann facilite tel ki resours delo ek semen, pou servi sa bann morso later.

Alor Mr Speaker nou espekte ki nou pou kapab - parey mon ti dir bokou pli boner dan lannen isi dan Lasanble, nou pou kapab si tou keksoz i mars byen fini avek lalis *waiting list* pou La Digue sa lannen. Mersi.

MR SPEAKER

Mersi. Onorab Uranie ou annan siplemanter? Wi.

HON ROCKY URANIE

Mersi Mr Speaker. Minis ki mon oule demann ou se ki parmi sa bann aplikan i annan ki zot napa sa mwayen finansyel pou zot konmanse malgre zot anvi ganny en morso later.

Eski zot pou pare oubyen bann demars diskisyon pou ganny fer ek sa bann aplikan, pou zot kapab ganny ofer en *loan* pou zot kapab konmans zot proze lagrikiltir? Mersi.

MR SPEAKER

Mersi Onorab Uranie. Minis ou repons.

MINISTER JOUBERT **FLAVIEN**

Mersi Mr Speaker. Mersi Onorab pou sa kestyon siplemanter. Mr Speaker wi facilite pou *loan* i toulstan la. E sirtou bann dimoun ki'n fek ganny *allocate* avek later definitivman zot vin dan sistenn e nou bann zofisyen i asiste zot parey ti leve pli boner.

Nou bezwen fer sir nou kapab sey zot dan en fason pli rapid. Me facilite i la, i ankor annan posibilite pou zot ganny lasistans pou fer zot proze lagrikiltir. E zis zot fer kontak avek Departman ek zot bann zofisyen i ava asiste zot. Mersi.

MR SPEAKER

Mersi. Mon ava pran siplemanter Onorab Rosie Bistoquet.

HON ROSIE BISTOQUET

Mersi Mr Speaker. Bonzour Mr Speaker. Bonzour tou Onorab. Bonzour Minis avek ou delegasyon. Minis mon pou demann ou konbyen morso later lagrikiltir ti annan La Digue, apard ki L'Union Estate e konbyen ki'n ganny vann e avek bann dimoun prive e kot

zot in konstri bann lakaz rezidansyel? Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi Onorab pou sa kestyon. Mr Speaker mon napa sa lenformasyon avek mon la aktyelman.

Annefe ki nou pe fer la kot Lagrikiltir se ki, nou annan kontak avek Minister Responsab pour Later pou nou fer en levanter konplet.

Byensir sa i size en lot kestyon konsernen later. Me nou pe fer levanter konplet pou nou konnen egzakteman ki kantite i annan, pou nou travay avek lo tou bann zil.

Me mon pa pou konnen egzakteman konbyen si i annan e konbyen ki'n ganny vann si vreman in ganny vann pou rezidansyel lo La Digue. Mersi Mr Speaker.

MR SPEAKER

Mersi. Byen be nou ava pran en poz la e nou ava repran pou lezot kestyon 11er. Mersi.

(BREAK)

MR SPEAKER

Bon leskiz tou dimoun pou sa retar akoz enn problem teknik. Nou ava kontinyen avek sesyon kestyon, e kestyon swivan i limero 88 Onorab Churchill Gill.

HON CHURCHILL GILL

Mersi Mr Speaker. Bonzour Minis ek ou delegasyon. Bonzour tou Manm ek tou dimoun a lekout.

Minis i annan en sonm R55milyon ki ou Minister in demande dan Bidze Siplementer pou lasistans bann fermye.

Eski ou Minister i kapab donn leksplikasyon detaye ki kalite form lasistans ki bann fermye pou benefisyé avek sa larzan siplementer, e ki fason ki fermye Praslin pou benefisyé?

Ki bann rezondet ki'n koz sa mankman pou kontinyen donn lasistans bann fermye ki'n fer ou Minister bezwen rod sa siplementer? Mersi.

MR SPEAKER

Mersi Onorab. Minis repons silvouple.

MINISTER

JOUBERT

Mersi Mr Speaker. Mersi Onorab pou sa 2 kestyon. Mr Speaker, parey in eksplike par Minister Finans resaman, pli

gro porsyon sa larzan ki pe ganny demande dan sa Bidze Siplemanter, pou prensipalman ganny servi pou pey *subsidy* lo manze zannimo.

E en pti porsyon sa larzan pou ganny servi pou ranforsi sekirite kot bann facilite parey stor Lagrikiltir, sant zenetik, e osi Bazar Victoria.

Total sonm total ki pe ganny demande pou sekirite, i 2.3milyon e sa i akoz bann mankman ki'n ariv apre ki kontra sekirite in ganny amande, e sa ti pran lefe boner sa lannen. Ki fer ki i annan bann mankman an plis ki'n al lo bann *rate* 2020.

Total *subsidy* pou zannimo ;- ziska konmela nou'n depans apepre R35milyon pou *subsidize* manze zannimo dan pei. E letan nou'n prozekte li ziska lafen lannen, nou pou bezwen ankor R26milyon pou kontinyen avek sa lasistans.

Larzan ki'n ganny depanse Mr Speaker, depi konmansman lannen atraver *subsidy*, se pou pey manze zannimo, pti poul, *day-old-chicks* e osi pou asiste avek transportasyon pou bann fermye Praslin ek La Digue.

Alor lo kote sa bout kestyon kot Onorab pe demande ki fason fermye Praslin pou benefisy, fermye

Praslin normalman zot benefisy avek en lasistans R25 par bal manze ki zot transporte ant zil. E apre zot osi benefisy avek tou lezot *subsidy* ki aplike lo lezot servis parey, manze zannimo apre pti poul.

Kot i konsern rezondet ki sa mankman in arive Mr Speaker. Komitman Gouvernman se pou siport fermye pou fer lelvaz zannimo, par entrodwir bann sibvansyon dan lepase. E i annan en nouvo sibvansyon ti ganny entrodwir an mars 2020.

Me nou kunnen avek *COVID* i annan bann diferan fakter, ki in fer i annan gro varyasyon dan pri manze zannimo;- parey pri deviz etranzer, ogmantasyon transportasyon maritim e osi transportasyon ant bann zil e pri bann materyo brit ki servi pou fer manze avek.

Ki fer ki sa *subsidy* in bezwen kontinyen e son valer sa *subsidy*, i pe kouver apepre sa 60poursan ogmantasyon dan pri manze zannimo.

Ki fer ki sa sonm ki Gouvernman pe espekte anmase avek *levy* lo lenportasyon lavyann, i pa sifilan pou kouver sa depans pou siport sa *Scheme Subsidy*.

Alor nou'n bezwen tourn ver Minister Finans pou nou

kapab kontinyen siport bann fermye, evite ki i annan en masiv ogmantasyon lo pri manze zannimo - parey mon'n dir ki in monte - sorti kot i ti ete avan Mars 2020 e in ogmante par plis ki 60poursan an term pri. Mersi Mr Speaker.

MR SPEAKER

Wi Onorab. Mersi Minis. Wi Onorab Gill ou siplemanter.

HON CHURCHILL GILL

Mersi Minis pou ou bann leksplikasyon, mon annan de kestyon siplemanter ;- enn eski depi ler ou'n pran lofis e sa kantite *subsidy* ki nou pe donnen, eski ou santi ki i annan en ogmantasyon dan prodiksyon?

Dezyenm si i annan en ogmantasyon dan ou prodiksyon, mon anvi met dan ou latansyon Minis ki i annan en bann konpetisyondirek ki pe devlope. I annan serten konpannyen ki zot sipoze fer *retail* pou *meet* bann diferan kalite lavyann, akoz zot, *sorry* zot sipoze fer *wholesale* avek diferan kalite lavyann ki zot enporte.

Me selman lo kote Praslin nou'n konmans vwar ki i annan konpannyen ki li i sipoze *wholesale* sa ki i pe enporte, me selman bann fermye Praslin ki

pe travay avek prodiksyon lavyann, zot vwar zot lavant in desann konsiderableman zisteman akoz sa ki sipoze fer *wholesale* pe gradyelman osi fer *retail*.

E vi ki zot, zot pri i bokou pli abordab, alors sa pe afekte sa zefors ki ou Minister pe fer atraver *subsidy* pou kapab ogmant prodiksyon. Sa i menm i pe kontribye dan en fason negativ.

Eski ou Minister i okouran si sa pe arive, si non petet i ava en keksoz ki ou Minister i devret gete. Akoz nou santi nou bann fermye i tro an konpetisyon avek i normal pou an konpetisyon avek *retail* parey lezot, me avek *wholesale* mon santi ki en keksoz i devret ganny fer dan sa direksyon. Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi pou sa Kestyon Siplementer Onorab. Eski in annan en ogmantasyon prodiksyon? Wi Onorab i annan. Lenformasyon ki mon annan se ki pou lavyann in monte par 26poursan konpare avek 2020 e pork i

FLAVIEN

monte par 31poursan konpare avek 2020.

Mon napa bann *figures* pou dizef pou lemoman. Me lo sa lot morso ou kestyon, kot i konsern bann konpannyen ki sipoze pe fer *wholesale* e ki aktyelman pe fer *retail*, nou'n ganny serten lenformasyon lo la. Me selman an vi ki pa vreman mon manda pou aksyon lo la.

Mon ava pas sa bann lenformasyon avek bann Lotorite, par egzant *licensing* ek Finans pou zot travay lo la. Me pou mon i en konsern akoz i pe kree en marse *parallel* kou bann prodwir ki bann prodikter lokal ti kapab pe vann lo marse lokal.

Alor mon krwar i en danze direk pou prodiksyon lokal sa bann kalite pratik, e i enportan ki nou met li anba kontrol. Si ou en *wholesaler* ou bezwen pe fer *wholesale* e non pa angaz ou dan *retail*, omwen ki ou vvar ou pe form en konpannyen ouswa pe annan en *outlet* ki *license* pou fer *retail*.

So nou ava aksyonn lo la Onorab avek bann Lotorite konsernen, pou fer ki sa bann pratik i kapab ganny met anba kontrol. Me lo ou kote mon ti ava ou si ou annan sa bann lenformasyon konkret direk, nou ava servi sa bann

lenformasyon pou nou kapab pran aksyon lo la. Mersi.

MR SPEAKER

En pti klarifikasyon Onorab Gill.

HON CHURCHILL GILL

Wi mon pare pou mwan akoz Praslin nou annan pa mal fermye. E definitivman bann lenformasyon ki mon annan mon ava fer ou lofis gannyen konsernan sa size. Mersi.

MR SPEAKER

Mersi Onorab Gill. Nou ava pran kestyon siplemanter lezot Manm, Onorab Cosgrow.

HON WALLACE COSGROW

Mersi Mr Speaker. Bonzour Minis avek ou tim. Mr Speaker an vi repons Minis konsernan sa sonm *allocate* pou sekirite.

Mon ti ava kontan demann Minis ki in annan okenn sanzman dan bann lakonpannyen sekirite, ki pe vey bann propriete Lazans Lagrikiltir ? Eski i annan okenn Kontra ki'n ganny kennel e ki i nesesit nouvo Kontra ki possibleman i nesesit larzan ekstra pou lazans kapab *entertain* sa bann kontra? Mersi

MR SPEAKER

Mersi Onorab Cosgrow. Minis.

MINISTER
JOUBERT

Mersi Mr Speaker. Mersi Onorab pou sa kestyon. Kot i konsern sekirite i napa novo *tender* ki'n ganny fer pou sekirite.

Me lenformasyon ki mon annan se ki in annan en renegosyasyon, pou kapab fer desann en pe bann pri. Me osi i annan en konpannyen sekirite ki'n sorti. Me i napa novo konpannyen ki'n antre. Mersi.

MR SPEAKER

Wi oule klarifye - wi.

HON WALLACE COSGROW

Wi Mr Speaker zis en pti zafer. Minis i dir i annan renegosyasyon pou fer desann pri.

Me ki nesesite pou annan en Bidze ekstra si pri pe desann? Mr Speaker i en pti pe kontradiktwar. Mersi.

MR SPEAKER

Minis ou ava adres sa silvoule.

MINISTER
JOUBERT

Mr Speaker mon kapab ganny en pti moman pou mwan ganny byen bann detay? Mersi.

Mersi Mr Speaker mon'n verifye avek nou bann teknisyen ;- si nou pa ti negosye Onorab nou ti pou demann Minister Finans 6milyon.

Me apre negosyasyon nou pe demann 2milyon i pou *still* pa ase me selman nou pe demann mwens nou ti pou demande si nou ti pa negosye. Mersi.

MR SPEAKER

Mersi. Swivan Onorab Wavel Woodcock.

HON WAVEL WOODCOCK

Mersi Mr Speaker. Minis an vi ki i annan sa alokasyon siplemanter 55milyon ki pou asiste bann fermye. Mon kestyon i konsernan sa size sa konsern *tutta absoluta* Praslin ki pe afekte bann plizyer laferm. Ponmdeter pe ganny an varyan avek sa pes.

Mon kestyon i dan sa alokasyon bidzeter la, eski i annan en sonm ki pou ganny servi, pou asiste bann fermye Praslin ki pe ganny afekte sirtou la an vi ki bokou zot, pa pe kapab enport zot tomat lo Mahe?

E dezyenmman dan sa Bidze li menm, eski i annan en provizyon osi pou rektifye en pe sa bann *issue* mankman

materyo lo stor, sirtou lo stor Amitie Praslin? Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi Onorab pou sa kestyon. I annan de morso. Kot i konsern sityasyon *tutta absoluta* nou pe tret li parey Lalwa i demann ou pou tret li.

Dan bann ka kot lord in ganny donnen lenstriksyon in ganny donnen pou detri plantasyon, i annan konpansasyon ki bezwen antre. E nou pe travay avek Minister Finans lo la, i annan 4 fermye ki nou pe *deal* avek la. E sa bann sipor li i sorti anba *Contingency* normalman. So i pa sorti anba sa Bidze ki nou pe koz lo la la.

Kot i konsern mankman materyo lo stor. Nou'n fer en legzersis ase konpreansiv pou nou get stor ki mannyer pe *perform*. Nou'n fer *internal audit* vini fer en evalyasyon konplet, prosedir *management* stok lafason ki nou vann eksetera.

E nou annan en nouveau kargezon ki'n antre la, ki sipoze lo stor *anytime* la. Mon pa

FLAVIEN

kennen si in fini konmans vann.

Me stor li menm i ganny siporte par en *Revolving Fund*. E enn bann keksoz ki ti pe arive ek sa *Revolving Fund* ek *management stock*, ti pe lafason ki ti pe ganny *manage* ti fer ki sa *Revolving Fund* ti pe kontinyelman desann.

Nou, nou pe vize sa *Revolving Fund* nou stabiliz li. Nou aranz nou bann sistem lavant. Nou aranz nou bann pri, pou ki nou kapab *at least cover* sa larzan e remet dan *Revolving Fund*.

Zisteman la ozordi nou annan 3.4milyon dan sa *Revolving Fund* ki en amelyorasyon, en *net* amelyorasyon konpare avek bann mwan ki'n pase kot mon ti pe apros par anba en milyon, nou pe konmans vvar nou dan en difikilte serye.

E nou, nou pe prezimen ki si nou kontinyen vann parey e letan nou pou arriv lafen lannen nou annan ase pou nou kapab re stoke. E osi Onorab kot i konsern pou asire ki i annan materyo lo stor nou, lafason ki nouaste bann materyo nou pe sanz li en pe, pou ki nou pe kontinyelman ganny bann kargezon pou nou kapab *supply* bann stor dan en fason regilye.

Akoz ki'n arive dan lepase, se ki nou aste en gro kargezon nou les li desann ziska ler i arriv pre zero, e apre nou fer demars pou nou aste e letan nou konnen , nou konnen letan nou fer demars i annan problemm bato, problemm avyon, problemm peyman i azout ankor 3 mwan lo sa e nou ganny en kantite retar.

Alor ki nou pe fer, se sanz nou sistenm *procurement*, pou ki regilyerman nou pe kapab annan bann kargezon ki pe antre nou'n fini koz avek *POU* lafason ki nou pou fer li lo bann kalite kontra ki nou bezwen annan avek nou bann *suppliers*, pou zot kapab kontinyen *supply* nou regilyerman dan lannen e nou pa vvar nou ek bann mankman.

E byensir osi i annan en keksoz ki vreman enportan se varyete prodwir lo stor ki pe bezwen sanze, akoz nou pe travay avek en lalis ki en pe vye, ki i bezwen ganny renouvre. E nouvo prodwi i bezwen ganny entrodwir pou fer fas avek bann sityasyon ki pe leve ozordi. Mersi.

MR SPEAKER

Mersi Minis pou ou repons. Nou ava pas lo kestyon swivan. Pou kestyon swivan nou

bezwen en pti moman pou sanz delegasyon. Mon pou remersye Mr Keven Nancy, Mrs Linetta Estico e Mrs Elsa Quatre pou zot partisipasyon. E mon ava swet zot bonn zournen bonn kontinyasyon.

(MR NANCY AND HIS DELEGATION WAS EXCUSED FROM THE HOUSE)

MR SPEAKER

Madanm Clerk nou ava apel pou en - Mersi mon ava dir zot, zot kapab fer zot depar. Madanm Clerk nou ava apel pou en pti *technical break* pou permet *sanitising* e nou ava apel lot delegasyon zofisyel silvouple.

(technical break)

MR SPEAKER

Nou a repran nou ava *call Lasanble back to order* e madanm reporter i ava apel prosen delegasyon.

Byen bozour e byenvenir Mr Rahul Mangroo *Deputy Chief Executive Officer Landscape and Waste Management* e Mr Selvan Pillay Direkter Zeneral pou Sanzman Klima. Avek sa nouvo delegasyon nou ava pran kestyon 89 Onorab Egbert Aglae.

HON EGBERT AGLAE

Mersi Mr Speaker. Bonzour Minis e tou dimoun ki a lekout. Minis dabor mon ti ava remersye ou pou sa vizit ki ou ti fer dan en pti pe lo tar dan Port Glaud.

Kestyon i *comme* swivan;- eski Minis atraver LWMA i kapab dir ek sa Lasanble, konbyen kontra ki'n ganny *award* dan ka netwayaz semen, lans e larivyer? Ki sonm total sa bann kontra ziska ozordi? Konbyen kontra ki ankor *outstanding* pou rezon bidzeter? Mersi.

MR SPEAKER

Mersi Onorab. Minis ou repons *please*.

**MINISTER
JOUBERT**

Mersi Mr Speaker. Mersi Onorab pou ou kestyon. Mr Speaker sa kestyon i kouver de diferan antite anba Minister Lanvironnman Lagrikiltir ek Sanzman Klima.

(LWMA) - Lazans responsab pou lanbelisman ek zeson salte, responsab netwayaz lans ek semen, osibyen ki sa konponan lanbelisman ;- parkont Departman Sanzman Klima i responsab pou netwayaz larivyer ek lanmar.

Nou ava rapel ki ti annan en *tender* kordinen ki ti anglob 4 diferan antite anba direksyon *Procurement Oversight Unit*. Rezulta premye *round* ti sorti an 2018 e boner 2019. E bann statistik i *comme* swivan:- parmi sa 340 kontra, ki ti disponib zis pou LWMA, 171 kontra in fini ganny *awarded*. E sa i reprezent 50poursan pou en sonm total R6.869milyon par mwan.

Sa diferans 50poursan ki pe esper rezulta dezyenm *round*, Lazans pe aktyelman pey en sonm 5.671milyon par mwan, ki anmenn depans total pou lanbelisman ek netwayaz zis kot LWMA a en gro sonm 12.541milyon par mwan, oubyen 150milyon 150.172 milyon par lannen. Sa i pou Lazans LWMA Mr Speaker.

Pou Departman Sanzman Klima, sonm total pou netwayaz larivyer i ariv 18.929milyon par lannen.

Parmi sa 60 kontra ki ti disponib 53 in fini ganny *awarded* ki vedir sa i reprezent 88poursan e larestan 7 kontra pe esper rezulta dezyenm *round tender*.

Lo sa kestyon konbyen kontra ki ankor *outstanding* pou rezon bidzeter? Kot i konsern LWMA, Lazans pa kapab konfirmen si vre i annan

en kontrent bidzeter lo kote netwayaz ziska ler ki rezulta dezyenm *round i sorti*.

Pou lenstans Lazans i kapab soutenir sa bann depans. Parkont kot i konsern sanzman klima Departman ouswa Departman Sanzman Klima, i annan en kontrent bidzeter pou arive pey kontra netwayaz larivyer pou sa lannen, se pou sa menm rezon ki sa Departman ti fer en demann Bidze Siplementer ek Minister Finans semenn pase.

E sa i pou en sonm R5.9milyon pou ed li arriv lo sa sonm R18.9milyon. Fodre note ki Bidze ki ti resevwar lo konmansman lannen ti R12.9 milyon baze lo bann vye pri kontra. Mersi Mr Speaker.

MR SPEAKER

Mersi Minis. Wi Onorab Aglae ou parey pou siplementer?

HON EGBERT AGLAE

Minis mersi pou ou bann larepons. Minis mon premye kestyon, an vi ki i tonm anba LWMA, an vi ki i annan sa *second round* ki ankor pe atann e ki i annan sa Lazans 5.67 ki pe osi la. Me mannyer mon pe konpran dapre ou larepons, sa larzan pe ganny *still* ganny donnen avek bann kontrakter i egziste, pou deservi sa bann-

Eski zot pe ganny donnent avek sa bann kontrakter egziste, pou zot kapab kontinyen deservi sa bann landrwa, an atandan ki kontra i ganny - *new contract* i ganny awarded. Eski mon korek Minis?

E dezyenm kan eski ou pe mazinen pou annan sa *second round*? Akoz i annan bann dimoun ki in atann en kantite letan pou zot partisip dan sa bann kontra e ki zot pe espere. Kan eski sa bann nouvo Kontra pou ganny awarded dan plas kontinyen *extend* bann lezot kontra ki egziste?

E dezyenm dernyen kot i konsern larivyer, ou'n nonmen ki i annan sa mankman lo Bidze. Eski ler in ganny sa siplementer ki nou fek pase *in fact last week* eski pou annan nouvo Kontra ki pou antre dan sa sonm ki zot pe gannyen ekstra? Mersi.

MR SPEAKER

Mersi Onorab. Minis.

MINISTER JOUBERT

Mersi Mr Speaker. Mersi Onorab pou sa 3 pwen. Sa premye pwen si sa sonm i korek? Wi i korek. 5.671milyon pe ganny servi pou

FLAVIEN

soutenir bann kontrakter ki deza la.

Mon ava al lo trwazyenm pwen en pti kou, kot i konsern Bidze pou larivyer si pou annan nouvo kontra pou napa nouvo kontra ki pou ganny azoute, e lakantite kontra pou larivyer ek lanmar pou reste parey.

Kot i konsern dezyenm *round tender* Onorab, LWMA ti anvoy en let ofisyel kot *POU* ek *National Tender Board* pou zisteman sa lannen. Pou zisteman konsider anil sa dezyenm *round tender*. A fen ki Gouvernman i kapab fer en legzersis e en evalyasyon pou verifye e vvar vreman ki mannyer nou kapab kontinyen avek - *I mean* pou fer en revi lo metodolozi e osi lo kou kontra e osi lo efikasite sa bann kontra.

Akoz i annan bokou kestyon lo si atraver sa bann Kontra nou pe ganny valer pou larzan. Sa legzersis i espekte i ganny konplete avan Desanm sa lannen. E nou espekte ki nou ava ganny en nouvo fason fer e sa i ava ganny anonse e par bann antite ki konsernen.

Ziska ler ki sa legzersis i konplete e Gouvernman i pran en desizyon final lo netwayaz, bann antite pou bezwen rod meyer fason pou zer travay netwayaz e sa lekip kontrakter ki la.

E si fodre reevalye zot performans e asiste zot kot i fodre. E osi redwir depans si i devret pou fer ki vin pli soutenab. Alor Onorab parey mon'n eksplike konsern la se soustenabilite sa kantite Kontra e efikasite i rantabilite sa bann kontra ki pe ganny travay lo la.

E in ler pou pas lo en revi e apre deside ki mannyer nou pou bouz devan avek sa bann kontra, ki aktyelman pe ganny aplike la ozordi. Mersi.

MR SPEAKER

Mersi Minis. Nou ava pas lo siplemanter bann Manm, mon ava pran Onorab Monthy premye e ava swiv par Onorab Samynadin. Onorab Monthy.

HON PHILIP MONTHY

Mersi Mr Speaker. Bonzour Minis ek ou delegasyon. Eski Minis i kapab dir nou ki bann kriter prensipal ki en kontrakter i bezwen kapab pe *meet*, pou li kalifye pou li ganny en tel kontra netwayaz dan distrik?

Dezyenm kestyon, eski afilyasyon politik ki i annan en eleman prensipal dan lafason ki bann kontra netwayaz dan distrik, in ganny donnen dan lepase? E ki lasirans ki Minis i kapab donn sa Lasanble ki sa

pa pou leka dan atribisyon bann nouvo kontra? Mersi.

MR SPEAKER

Mersi Onorab. Minis ou larepons silvoupe.

MINISTER

JOUBERT

Mersi Mr Speaker. Mersi Onorab pou sa de pwen. Kriter ki ganny servi pou evalye kontrakter, zot kou ki zot pe ofer Gouvernman, i en kriter. Lot kriter se fodre ou pa lo *payroll* Gouvernman, savedir ou pa en anplwaye ki pe ganny peye avek larzan piblik.

Eski ou annan lekipman, eski ou annan mendev eski ou annan leksperyans? Sa i bann kriter prensipal ganny servi pou evalye kontrakter.

Lo kot i konsern afilyasyon politik, non mon kapab asir Onorab ki bann demars ki pe ganny fer pou evalye bann kontrakter i annan pou fer strikteman avek zot performans zot kapasite pou fer sa louvraz e non pa zot afilyasyon politik. Mersi Onorab.

MR SPEAKER

Mersi Minis. Onorab Samynadin.

HON KELLY SAMYNADIN

Mersi Mr Speaker. Bonzour Minis avek ou delegasyon. Minis dan distrik Au Cap, mon konnen dan lezot distrik osi i annan serten lezot distrik i parey.

I annan serten kontrakter ki pe travay, me ki pa neseserman i sorti dan sa distrik. An vi konsern eksprimen par serten zabitan dan distrik ki'n aktyelman *apply* pou en kontra, me ki swa pa'n ganny aprouve, oubyen zot ankor pe esper en larepons.

Eski Minis i kapab donn nou en rezondet pou sa. E osi si i pou annan okenn sanzman dan sa Polisi? Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi Onorab pou ou kestyon. Mon krwar i annan en keksoz ki nou bezwen klarifye se ki bann Kontra i ganny *allocate* par rezyon e non pa par distrik.

Alor dan en rezyon i kapab annan 3 distrik e ou pou vwar ki dan serten ka i kapab en dimoun sorti dan en distrik e i ganny en kontra dan enn parmi sa 3 ki dan son rezyon.

Sa i en posibilite. E sa i fer ki detanzantan ou vwar ki en

kontrakter dan en distrik pe travay dan en lot.

Lot size i konsern kote ki ou ganny ou mendev? Kontrakter menm si i ganny Kontra dan sa distrik, i lib pou li rod son mendev kot i kapab gannyen.

Alor i posib ki sa dimoun i ale i al rod en travayer pou travay avek li, e i ganny en dimoun ki sorti pa ni menm dan sa rezyon me en lot landrwa.

E se sa dimoun ou vwar lo teren pe travay laplipar ditan. E se sa ki arive. Dan alokasyon nou vwar alokasyon mon krwar sa size i bezwen ganny gete byensir. Nou bezwen fer sir ki bann kontra pe ganny partaze dapre rezyon. Me i pou inevitab dan serten ka kot ou pou vwar bann dimoun dan distrik a kote ki travay dan en lot distrik.

Me i enn bann pwen ki devret ganny met devan letan nou pe koz revi kontra e pou asire ki nou napa sa bann gran sa bann problem ki leve kot sitwayen i vwar ki dimoun sorti lezot bor ki pe vin travay dan lezot distrik.

So i en kriter i en size ki nou kapab met devan dan sa revi li menm. Mersi Onorab.

MR SPEAKER

Mersi Minis. Onorab Roucou.

HON MICHEL ROUCOU

Mersi Mr Speaker. Bonzour Minis ek ou delegasyon. Bonzour bann zabitan Mont Fleuri.

Minis mon kestyon i lo larivyer Rochon. Mon pa vwar okenn personn pe netwaye nou larivyer i vreman sal. So si ou kapab dir mon si i annan en kontrakter ki pe netwaye?

E larivyer Rochon i pran kot Rochon i pran kot danm Rochon anler i vin fini kot Kordgard anba. E osi lo kote bann kontrakter ki dan distrik, mon vwar poudir bann kontrakter ennler nou menm nou bann MNA ouswa Lotorite Distrik, nou bezwen pe tay deryer bann kontrakter swa pou netway rigol.

E souvandfwa nou vwar poudir PUC osi tou zot tiyo i pas dan laplipar rigol ki sa i vin en problem. Mersi.

MR SPEAKER

Mersi Onorab. Minis ou repons.

MINISTER

JOUBERT

Mersi Mr Speaker. Mersi Onorab pou ou kestyon. Kot i konsern larivyer Rochon, lenformasyon ki mon annan se ki wi i annan en kontrakter. Me mon ava fer bann staff verifye

FLAVIEN

byen detay, ki i sipoze pe fer kan ki i sipoze pe fer e nou ava anvoy kot ou direkteman Onorab.

E osi si i annan okenn problemm ki pe leve avek sa kontrakter, nou ava fer mannyer nou ava adrese dapre bann size bann lenformasyon ki ou ava met devan nou.

Kot i konsern *district cleaning contractors* e zot bann relasyon avek lezot group dimoun. Byensir sa size par egzant tiyo pas dan *drain* i toulstan en problemm. E i en keksoz ki nou'n deza met devan latansyon *PUC*.

E i en zefor ki bezwen ganny fer dan *long term* pou kapab pli byen planifye sa bann keksoz, akoz nou'n deza ganny diskisyon avek zot. E dan serten ka zot in lev bann tiyo ki pas dan bann *drain*, akoz i koz akimilasyon salte ek later.

E lot keksoz Onorab ki mon krwar i enportan, e se pou sa rezon i annan sa revi ki pe ganny fer, se ki aktyelman la ou annan plizyer kontrakter ki fer diferan keksoz dan menm landrwa.

E sa osi i en keksoz ki nou bezwen regete. Eski nou bezwen en dimoun pou netway en *drain*, apre en lot i netway lo bor semen koup zerb, apre en

lot ki netway *traffic sign* lanmenm dan menm landrwa.

So nou bezwen tonm dakor ki mannyer nou pou aporsyonn sa bann travay, pou ki nou vin pli efikas e nou pa bezwen al kestyonn 20 dimoun pou nou kapab ganny en solisyon. So sa en keksoz ki nou pou bezwen fer dan sa revi.

E me selman lo kote bann size tiyo dan *drain* rakor dan *drain* nou kapab travay ek *PUC* ou ava donn nou sa bann *case* e nou ava fer mannyer ki nou kapab korize. Mersi.

MR SPEAKER

Ou ti pou azout keksoz Minis non? Fini?

MINISTER JOUBERT

Wi Mr Speaker zis pou azoute, mon'n ganny en lenformasyon la ki nou annan en kontra pou *Rochon River*, me selman i konmans kot en landrwa ki apel Laurence, a kote Laurence. Mon krwar en rezidans en dimoun Rochon e i fini kot stasyon Lapolis.

So mon pa tro asire si i pran depi kot danm, alor nou bezwen gete si nou pou bezwen aranze ouswa fer serten laranzman pou sa larivyer. Mersi.

FLAVIEN

MR SPEAKER

Oule klarifye sa Onorab Roucou. Vitman silvouple.

HON MICHEL ROUCOU

Minis mersi. Zis deza la kot Laurence i tonm kot pon Rochon kot Terence Laurence zis deza anba pon la i paret ki i annan en dimoun ki'n vin reste la pou en serten letan apre in kit tou son debri.

Mon pe mazinen gro lapli ki pou tonbe tousala i pou desann. E apre osi toultan nou vvar nou kot kontrakter pe netway larivyer zis anba. E dan leo kot i annan plis bann aktivite i ganny neglize. Mersi.

MR SPEAKER

Mersi. Minis ou ava not sa bann pwen silvouple.

MINISTER**JOUBERT**

Mon krwar nou ava adrese. Mersi Mr Speaker.

MR SPEAKER

Mersi. Onorab Cosgrow nou ava pran ou siplemanter i a swiv par Onorab Loizeau.

HON WALLACE COSGROW

Mersi Mr Speaker. Minis dan ou larepons ou'n nonm *annulment* kontra apre ou'n nonm revi ki zot pe fer lo sa

whole netwayaz sistenm ki LWMA i fer.

Minis eski bann kontrakter ouswa bann dimoun ki pe aspire pou zot ganny en Kontra ki'n partisipe, zot annan rezon pou enkyet ki zot riske pa ganny en kontra?

E dan lefitir bann dimoun ki ti ava anvi en pti kontra netwayaz avek Gouvernman, e si zot annan rezon pou zot - mon pa pou dir per, me selman pou zot enkyet, akoz sa revi i kapab fer akoz i annan pli pti gin kontrakter ki ganny met lo bann site partou? Mersi.

MR SPEAKER

Mersi Onorab. Minis.

MINISTER**JOUBERT**

Mersi Mr Speaker. Mersi Onorab pou ou kestyon. EsKi bann dimoun ki deza pe espere zot annan rezon pou zot enkyet?

Mr Speaker pou lemoman sa bann kontra i *on-hold* sa bann desizyon i *on-hold pending* sa revi. E sa parey mon'n dir sa revi pe ganny fer par Minister Finans, sa i pa nou Minister en. Me selman nou pe kolabor avek Minister Finans. Byensir i annan bann lenformasyon zot bezwen ki nou bezwen travay avek zot lo la, ansanm ek

Procurement Oversight ek National Tender Board.

Me sa revi i pou bezwen tenir tou bann desizyon tou bann desizyon bezwen ganny tenir ziska ler sa revi i ganny konplete. E Gouvernman i ava bezwen deside ki mannyer i pou adres bann ki ti pe espere letan sa revi i fini ganny fer.

Lot keksoz ki ou'n demande, se eski i annan en risk ki pou annan mwens Kontra? I posib. I toutafe posib ki letan ou fer sa revi ou vwar, ki ou bezwen reviz norm Kontra.

Mon krwar ou ava apel Onorab ki tre resaman mon pa rapel ki peryod, mon krwar 2019/2020 norm kontra in sorti 250 apepre in vin 300 e plis.

E sa osi in enn bann keksoz ki'n met en kantite presyon lo Bidze. Alor nou bezwen demann nou lekor, eski nou pe al dan bon direksyon, ouswa eski nou bezwen kontinyen ogmant nou norm kontra ouswa eski nou bezwen revize e tonm dakor lo en kantite kontra ki soutenab.

Alor mon pa pou fer en deklarasyon lo la, la aktyelman, me sa revi i pou donn ou en lendikasyon kwa ki posib e kwa ki efikas e ki soutenab lo kote Bidze. Mersi.

MR SPEAKER

Mersi. Onorab Loizeau.

HON NORBERT LOIZEAU

Mersi Mr Speaker. Bonzour Minis ek ou delegasyon. Mr Speaker vi ki Bel Air i annan en ta larivyer nou.

E mon anvi konnen lekel ki netway nou larivyer, akoz nou larivyer zanmen in deza mon pa vwar li pe ganny netwaye menm larivyer Dan Koko menm lalyann ti pe antre ek Mrs Savy anndan dan son lakaz. Sa en pti komanter.

Mr Speaker mon anvi demann Minis, lekel ki donn lord pou fer peyman pou sa bann kontra? Eski sa bann ki al *monitor* sa louvraz ouswa sef anler ki dir fer peyman ?

Akoz sa ki mon pe konpran, bann ki al *monitor* louvraz zis zot ganny dir fer peyman malgre louvraz pa satisfezan. Legzanp i annan en miray Mamelles en miray R130 mil, la pou la ki'n ganny peye selman dapre konpran i pa vo obor larivyer Mamelles. Mersi.

MR SPEAKER

Mersi Onorab. Minis.

**MINISTER
JOUBERT**

FLAVIEN

Mersi Mr Speaker. Mersi Onorab pou sa kestyon. Onorab mon annan sa lalis la avek mon ki montre i annan 8 kontra - 8 lots dan rezyon Bel Air. Alor nou kapab donn sa bann lenformasyon ou ava konnen egzakteman lekel ki netway larivyer dan reyon kot ou ete.

Peyman: bann dimoun ki fer lenspeksyon se zot ki sertifye louvraz. Me zot sipoze osi fer zot louvraz ganny sertifye par DA. Zot bezwen verifye avek DA, akoz DA i la konman en reprezantan sa kliyan ki pe benefisy'e avek sa servis.

Alor DA parey mon'n deza eksplike dan lepasse. DA i annan tou drwa e sa zofisy'e i oblize komunik avek DA, konsilte avek DA.

E DA i annan tou drwa pou li pa aprouve pa met son stanp, pa met son aprouvason lo sa dokiman pou fer ganny peye. I annan de ka sa aprouvason DA i manke, e ou konnen letan pe pase bann peyman i ganny fer.

Me selman i annan en mekanizm ki merit marse, pou asire ki louvraz i ganny fer dapre satisfaksyon. E ki sa dimoun si i annan okenn defayans, sa i ganny adrese avan ki i ganny peye. Mersi.

HON NORBERT LOIZEAU

Mr Speaker en pti klarifikasyon.

MR SPEAKER

Klarifikasyon.

HON NORBERT LOIZEAU

Minis be Bel Air i annan environ apepre 3 mwan, mon napa en DA be lekel ki stanpe pou sa peyman? I annan apepre 3 mwan.

MR SPEAKER

Minis ou ti ava kontan adres sa?

MINISTER

JOUBERT

Mersi. Mon krwar dan serten ka. Parey mon'n dir i annan serten ka kot sa sistem i pa marse. I annan plizy'e distrik dan sa sistem i pa marse. Mon krwar dan tou sa bann ka sa bann dimoun ki fer lenspeksyon lo teren i merit pe zwenn avek DA.

E la nou fer sir ki zot rezwenn ankor en kou avek DA, ankor en kou dan tou distrik, akoz i annan bann enteraksyon ki nou'n fer avek Gouvernman Lokal, fodre zot zwenn ek DA e DA i konnen poudir i sipoze ganny sa lenformasyon kot li tou le mwan.

Resaman par egzanp nou'n zwenn avek DA Beau

FLAVIEN

Vallon nou'n fer konpran, ek DA Glacis nou'n fer konpran ki sa zofisyen i sipoze pas kot li, e i annan tou drwa pou li vwar tou kontra, tou detay e tou rapor performans lo sak sa bann kontrakter.

Alor distrik li menm i annan en kantite pouvwar pou li demande. E ozordi menm distrik i kapab demande pou blok tou peyman pou Bel Air, re anmenn tou sa bann dokiman kot distrik Bel Air, pou zot vwar avan ki nou process pou sa mwan. I annan tou drwa pou li fer sa.

E mwan mon ti ava apresye si sa relasyon i marse ant bann dimoun ki kot Lazans ek DA e osi bann dimoun ki kot Departman Sanzman Klima kot Lanvironnman, pou ki nou kapab asire ki kontrakter i delivre. Mersi.

MR SPEAKER

Mersi.

HON NORBERT LOIZEAU

Mr Speaker dernyen. Vi ki MNA i annan en biro kot Ladministrasyon Distrik an se moman, eski zot pe get dan sa posibilite vi ki ler i fer vizit, MNA i al ansanm avek DA pou al fer vizit?

Eski MNA osi i merit form parti sa bann ki pou fer sa

oversight pou vwar si sa travay in ganny fer? Eski zot pe mazin dan sa laliny? Mersi.

MR SPEAKER

Minis donn li en -

MINISTER

JOUBERT

Wi Mr Speaker MNA i reprezent distrik lo en baz politik, DA i reprezent distrik lo en baz administratif e tou le de i annan drwa pou zot verifye servis ki pe ganny donnen dan zot distrik.

Alor i pa en problem pou okenn parmi zot ansanm, pou zot zwenn avek sa bann dimoun ki fer lenspeksyon e verifye travay ki pe ganny fer lo teren. Mersi.

MR SPEAKER

Mersi. Avek sa mon ava pas lo prosen kestyon. Me mon ava remersye Mr Rahul Mangroo pou son partisipasyon, si i ti ava anvi fer son depar pou al regard son bann lezot latas. Mersi.

(MR MANGROO WAS EXCUSED FROM THE HOUSE)

MR SPEAKER

Kestyon numero 90. Onorab Waven William.

HON WAVEN WILLIAM

Mersi Mr Speaker. Bonzour tou dimoun ki a lekout, eski Minis i kapab eksplik sa Lasanble, a ki moman zot pran desizyon pou met bann *bollards* e replant vezetasyon pou anpes lerozyon lo bann lakot? Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi Onorab pou ou kestyon pou konsernan larezyon lakot.

Mr Speaker an term bann mezir pou redwir lenpak lerozyon lo nou bann lakot kote nou bann lans, Minister Lanvironnman Sanzman Klima e Lagrikiltir, pe kontinyen antreprann plizyer proze pou protez nou bann lakot dan Sesel.

Lenpak koze par sanzman klima i evidan partou. Me pli enportan pou note se lenpak ki imen i annan lo nou bann lans e lo zot zalantour, par zot bann aktivite ki pe annan en lefe direk lo nou lakot.

Ziska prezan Minister pe kontinyen ek en programm reabilitasyon lo lakot, e replant bann vezetasyon dan plizyer landrwa alo Mahé, Praslin La Digue.

Mr Speaker parey Onorab in mansyonnen dan son kestyon, en lot aktivite ki Minister i osi angaze ladan ansanm avek Lotorite Distrik ek lezot Lazans, se idantifikasyon bann lespas vid ant vezetasyon kot transpor i rantre ziska lo bann *dune land* parey nou dir.

E la nou sey met an plas bann *bollards* ki bann striktir an beton ouswa bann gro ros, ki anpes bann veikil antre lo sa bann *dune*. Resaman Minister i fek met bann gro ros lo distrik Grand Anse Mahé a kote lekol.

Sa aktivite i depan bokou lo Bidze ki Minister i annan. E nou osi ankouraz sekter prive pou partisipe e fer zot kontribisyon proteksyon lakot.

Kot i konsern desizyon, kan eski nou fer sa bann travay? Nou kapab dir ki i annan de lapros. I annan en lapros ki nou dir sa bann lapros en pe pli *soft*.

E la parey mon'n dir nou blok mouvman trafik, e nou anpes domaz par bann dimoun ek bann transpor ki pe rantre lo bor lans, pou ede ki lakot i rekiperé.

Lot se bann *hard measures* kot nou pran bann mezir en pe pli direk dan landrwa kot lerozyon i vreman sever, e ki kot i demann latansyon imedyat.

E se la kot ou pou vwar probableman Mr Speaker bann miray ros ouswa beton ouswa *rock armouring*, ki pe ganny servi pou minimiz progresyon lerozyon lo lakot. Mersi.

MR SPEAKER

Mersi Minis. Siplementer Onorab William.

HON WAVEN WILLIAM

Mersi Mr Speaker. Mr Speaker mon anvi demann avek Minis, par lefe ki sa fenomenn i en fenomenn ki pou kontinyen. E eski in annan en legzersis ki'n ganny fer, pou evalye sityasyon lo Mahé lo bann zil pros, vreman sa sityasyon degradasyon?

E an menm tan eski i annan en propozisyon lo ki fason ki zot pou angaz avek Lotorite Distrik pou kapab konpran e annan en azanda *on the way forward*, lo en baz priyinite ki fason zot pou atak sa bann problem?

E mon dezyenmman eski annan en konsiltasyon ozordi? Par egzanp nou konnen poudir i annan bann kontrakter ki netway lans, i annan LWMA ki pase. E eski i annan bann koze akoz, ou a krwar poudir be nou annan en ta dimoun, en ta akter lo teren, me solman parfwa ou vwar poudir si sa DA

ouswa sa MNA pa pe pase, poudir be regarde be la konmsi ou a krwar i annan sa nesesite pou pran aksyon.

Eski nou kapab ganny en mekanizm ki vreman marse pou ki bann dimoun ki pe ganny peye, pou fer ser ten travay ki zot fer sa travay byen? Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi Onorab pou sa de pwen. Kot i konsern evalyasyon ek priyinizasyon bann sit, i annan en letid ki'n deza ganny fer e dan lepasse. E anba sa letid 18 sit priyinite in ganny identife.

E sa bann sit priyinite i pou ganny travay lo la dapre bann resours ki annan, me osi zot osi ganny atake dapre bann severite problem ki annan dan sak sa bann sit.

I osi annan en legzersis ki aktyelman ankour pou evalye ankor ser ten landrwa kot i annan problem Mahé, Praslin ek La Digue. E nou espekte ki sa zefor i pou osi anmenn lezot priyinite ki nou pou bezwen met dan nou plan *long term*.

FLAVIEN

Kot i konsern konsiltasyon avek bann dimoun, bann akter parey ou dir ki pou travay lo lakot. I annan bann rapor ek bann lenformasyon ki ganny partaze, ant bann kontrakter ek bann dimoun ki pe fer bann aktivite.

Me mon pa pou dir ki i annan en konsiltasyon formel ant sa bann dimoun. Akoz sa bann dimoun ki pe netwaye par egzanp zot responsabilite plito viz ver anpes annan salte lo lakot e se sa ki zot *focus* lo la.

Me i annan bann lenformasyon ki ganny sanze. Me i posib ki dan lefitir sa i kapab ganny amelyore pou fer sir ki lenformasyon i mars pli byen, i ganny transmet pli byen, ant sa bann dimoun ki pe aktyelman frekant sa bann landrwa e travay dan sa bann landrwa ek bann ki bezwen lenformasyon pou zot pran desizyon lo la.

So i en pwen ki mon krwar i kapab ganny amelyore Mr Speaker. E mon krwar ki avek letan anmezir nou aranz nou sistenm, e nou osi enkli lezot dimoun akoz sa priyorite i partou. E bezwen pou pran aksyon i partou.

Nou ava kapab amelyor kalite lenformasyon ki nou pe anmase lo bann lakot, e reviz an menm tan nou bann priyorite lo

kote aksyon ki bezwen ganny pran. Mersi.

MR SPEAKER

Mersi Minis. Kestyon Siplemanter Onorab Roucou. E i ava swiv par Onorab Letourdie.

HON MICHEL ROUCOU

Mersi Mr Speaker. Minis mwan mon kestyon mon pou al ver Ile Au Cerf. Parey ou konnen poudir laba bann zabitan osi pe ganny afekte e nou ti sipoze annan en vizit mon mazinen poudir ou'n bizi e ou pe rod sa moman letan pou fer li.

Bann zabitan laba zot anvi fer sa *rock armouring* zot menm. Sel keksoz ki zot pe demande se ki si ou Minister i kapab ed zot pou zot kapab ganny en pe ros pou zot kapab fer sa. Akoz parey ou konnen Ile Au Cerf zot napa. E sanmenm sa ki zot, zot pe demande.

Apre osi Minis an term lo kote pou plant bann soz laba lo lans, mon pe gete si ou Minister i pare pou zot rod en group bann zenn pou zot kapab montre osi pou prezerv nou bann lans ki pa pe ganny sa problemm laba. Mersi.

MR SPEAKER

Mersi Onorab. Minis repons.

MINISTER
JOUBERT

Mersi Mr Speaker. Mersi Onorab pou sa de pwen. Onorab kot i konsern Ile Au Cerf bann *staff* Minister in deza al Ile Au Cerf zot in zwenn avek bann dimoun zot in ganny konversasyon e zot in vwar bann bezwen ki i annan lo Ile Au Cerf.

Aktyelman i annan en travay pou propoz bann differan solisyon ki kapab ganny aplike pou protez lo lakot lo Ile Au Cerf. E apre sa bann dimoun i ava kapab kontribye pou zot fer zot proteksyon lo sa zil.

An menm tan ou'n demande si i annan kontribisyon ki kapab ganny fer. Nou pou gete anba bann proze ek bann finansman ki nou annan aktyelman. Akoz i pou ed Gouvernman en bon pe si nou kapab zis ed sa bann dimoun lo kote materyo, e apre zot ava fer larestan aktivite.

E sa nou kapab fer li letan nou fini ganny pri ek bezwen materyo. Me i annan en keksoz ki ankour la e ki nou ti ava kontan fer en pe plis progre lo la. E sa i dan lanmen nou bann teknisyen e zot an kontak ek bann dimoun pou zot kapab delivre byento en bann solisyon ki bann dimoun Ile Au Cerf i kapab servi.

FLAVIEN

Kot i konsern bann zenn pou proteksyon lakot, byensir i en keksoz ki nou merit ankouraze, e lo kote Minister nou pe met bokou zefor pou angaz bann dimoun dan kominote pou zot fer bann aktivite. Nou bezwen rekonnnet ki i annan bokou zot ki anvi fer sa bann kalite aktivite nou bezwen donn zot sa sipor.

Enn bann keksoz ki nou'n realize napa ase lo kote Mahé sirtou, se en sours plan pou bann dimoun servi. E sa i en keksoz ki nou pou bezwen adrese dan nou bann programm ki pe vini la, pou nou kapab *supply* bann dimoun ki anvi fer aktivite rebwazman reabilitasyon avek ase materyo pou zot servi.

Nou konnen poudir i annan lezot sours sipor kapab gannyen pou lezot kalite sipor ki zot bezwen pou zot fer zot aktivite. Me lo kote bann keksoz parey plant nou krwar nou kapab fer laranzman e vin avek en programm pou kapab prodwir e donn zot pou zot kapab fer zot aktivite avek. Mersi.

MR SPEAKER

Mersi Minis. Onorab Letourdie.

HON JANY LETOURDIE

Mersi Mr Speaker. Bonzour tou dimoun. Minis ou'n dir i annan 18 sit ki zot in idantifye ki i bezwen *maintenance* avek restorasyon. Eski 18 tou ansanm oubyen sa 18 ki pli kritik? Akoz mon konnen poudir i enportan pou fer sa bann restorasyon.

Minis tanzantan i annan en kantite bann liniversite deor oubyen bann group dimoun ki vini ki enterese avek lanvironnman e zot vin fer en kantite resers isi. Zot in fer en kantite rapor osi.

Mon pe regarde en sizesyon si i annan possibilite pou *tap into* annan de ler kekfwa i annan bann *funds* ki ganny donnen.

Savedir petet nou ti kapab demande nou osi fer demann pou nou kapab ganny lasistans, pou nou osi kapab fer restorasyon nou bann lakot ek nou bann lans. Mersi.

MR SPEAKER

Mersi Onorab. Minis.

MINISTER JOUBERT

Mersi Mr Speaker. Mersi Onorab pou ou kestyon. Onorab kot i konsern sa 18 sit byensir, sa 18 sit reprezent bann kot problem i pli serye e ki pe ganny idantifye kot nou

pou bezwen reazir e fer ser ten koreksyon ouswa ser ten restorasyon.

Me byensir an deor sa 18 sit, i pou annan lezot landrwa kot i ankor annan problem. Akoz problem pe devlope toul tan dan diferan landrwa. E nou espekte ki sa nimo i bokou plis ki sa 18 in ganny idantifye konman priy orite.

Alor anmezir nou ale sa sonm i pou sanze, e osi bann landrwa bann rezyon kot nou donn latansyon plis i pou osi sanze. Dapre sezon dapre bann diferan parti zil kot problem pe arive.

Resers ek bann sour s finansman, aktyelman enn nou demars ki pe fer lo kote Minister se, pou rod bann don enternasyonal pa avek liniversite me avek bann fon enternasyonal anba bann demars ki nou pe fer pou klima pou nou kapab kontinyen lans bann proze proteksyon lakot.

Ou ava realize ki bann proze proteksyon lakot i pa kout en pti gin larzan, i kout en bon pe. E nou'n fer bann estimasyon lo bann sit priy orite pou Sesel. E definitiv man Gouvernman pou napa ase larzan pou siport sa kantite proze pou protez bann landrwa lo lakot.

Alor nou demars al rod bann finansman avek bann lenstitisyon enternasyonal, bann fon ki la pou asiste bann pei lo kote adaptasyon klimatik, e fer ki nou kapab annan Sesel bann sours finansman ki pou ed nou adres nou bann priyорite dan pei.

Bann lenstitisyon akademik, ki vin fer resers. Byensir i annan plizyer ki vini. E zot toulstan ganny byen akeyir. E zot bann rapor en bon pe fwa i ganny servi pou endik nou bann landrwa kot i annan priyорite.

E sa i en keksoz ki nou pou kontinyen fer e nou kapab osi servi zot parey ou'n eksplike, pou zot osi donn nou bann lenformasyon lo kote resours i été. Akoz i annan en serten zot ki annan serten koneksyon avek bann sours finansman ki nou osi kapab al osi servi pou adaptasyon ek proteksyon bann lakot.

Alor nou toulstan servi sa bann group dimoun, e kot i annan bann posibilite nou toulstan, devlop bann relasyon avek zot, pou ki zot osi kapab ed nou pou nou trouv sa bann sours finansman.

E dan lepase in ganny fer e mon asir ou ki dan lefitir osi letan bann loportinite i vini i pou kontinyen ganny fer, e an vi

ki nou annan plis bezwen i pou bezwen ganny fer lo en baz pli entansif. Mersi.

MR SPEAKER

Mersi Minis. Kestyon Onorab Vidot.

HON AUDREY VIDOT

Mersi Mr Speaker. Mr Speaker mon kestyon pou Minis. Minis eski i posib pou fer nou konnen lekel sa lalis priyорite la pou lemoman? E eski zot pe pran konsiderasyon osi bann distrik?

Parey mon get Roche Caiman, nou annan bann gran lagon, e i annan en kantite i annan detrwa endividé ki'n deza apres Gouvernman atraver lezot Lazans, pou fer resorti ki i annan bann *cracks* dan bann miray.

E menm zot vwar poudir i annan konsern lo bann *rock armouring* otour bann *area* dan sa zanmirant nou pe koz swa sa bann ptí lagon kot parey kot par deryer kot *Fresh Cut* ki zwenn avek deryer Kordgard.

Nou annan kot par deryer *Secti Building* tou dilon par deryer *Mohan*, bann blok flat enkli ki al en ptí pe Briyan. I annan dimoun la ki annan konsern e nou ti ava konnen si sa bann dimoun osi i kapab ganny sipor atraver ou

Minister, kote zot tape egzakteman pou zot kapab vwar en solisyon petet pou bann issues.

Akoz i annan dimoun ki menm zot landrwa in *crack* akoz sa problem *barrier* kot zot. Mersi.

MR SPEAKER

Mersi Onorab. Minis.

MINISTER JOUBERT

Ok mersi Mr Speaker. Mr Speaker premye e mersi Onorab ou kestyon. Sa lalis priyrite nou kapab anvoy kot ou dan *email*. Ou ava ganny en kopi letan mon'n ganny lendikasyon la ki pou sa 18 sit letan nou pe gete estimasyon se apepre \$14milyon, pou kapab reabilit sa 18 sit.

E parey nou konnen avek bann kontrent bidzeter i pa pou toultan fasil pou nou ganny sa sonm. Kot i konsern bann lenpak lerozyon anndan lagon dan rezyon les Mahé, spesifikman Roche Caiman, nou kapab fer nou bann teknisyen fer en verifikasyon avek ou menm avek Lotorite Distrik, vwar kote i annan problem.

E tonm dakor lo en programm, dapre resours ki i annan pou kapab adres bann

landrwa kot dimoun pe ganny afekte.

Ou konnen poudir dan sa bann ka i pou plito bann ka endividyle, ki pe afekte bann propriete endividyle i pa pou en bann lenfrastruktir komen ki deservi tou dimoun. Me tou fason i pou bezwen ganny adresse, akoz i pe *still* afekte en sitwayen.

Alor nou bann teknisyen i ava fer kontak avek ou biro, nou ava fer bann vizit, nou ava etabli kote ki i annan problem, e apre nou ava trouve ansanm avek anba bann resours ki i annan si i annan, ki mannyer serten difikilte ki bann dimoun pe fer fas avek, parey ou pe dir pe afekte zot bann lakaz.

E sa i en keksoz ase serye. Si i pe ariv bann keksoz serye *then* mezir i ava ganny pran pou kapab ed sa bann dimoun pou protez zot propriete. Mersi.

MR SPEAKER

Mersi Minis. Kestyon Onorab Esparon.

HON REGINA ESPARON

Mersi Mr Speaker. Mr Speaker. Eski Minis i kapab dir nou letan ou ti prezant Bidze Minis, boner sa lannen, North East Point ti en landrwa ki ti ganny pou met *bollards*.

Eski dan sa lalis priorite prioritiz sa bann landrwa eski North East Point i en landrwa ki tonm dan sa kad priorite? E si non Minis, mon ti ava petet demande ki i ganny met dan sa lalis priorite, parske North East Point i en landrwa ki kontinyelman ganny afekte avek lerozyon lakot. Mersi.

MR SPEAKER

Mersi Onorab. Minis.

MINISTER

JOUBERT

Mersi Mr Speaker. Mersi Onorab pou ou kestyon. Bann *bollards* pou North East Point i pe ganny finanse anba en don, ki ansanm avek sa proze ki pe deza ganny fer dan North East Point.

E dapre mon konpran byento i pou ganny *tender* - swa i pe ganny *tender* ouswa byento i pou ganny *tender*, e nou espekte ki sa lannen menm i pou bezwen ganny fer konman parti sa proze.

Alor North East Point *bollard* definitivman i pou vini sa lannen. Mersi.

MR SPEAKER

Mersi Minis pou bann larepons. Mersi Manm pou zot kestyon, avek sa nou ava termin sa peryod kestyon, nou ava repran

travay apre midi 2er e mon ava swet Minis e Mr Pillay bonn kontinyasyon travay pou apre midi. Byen. Nou ava pran poz ziska 2er.

(BREAK)

MR SPEAKER

Bonn apre midi tou Manm e bonn apre midi nou piblik a lekout. Mon regrete pou anonse ki plizyer nou bann Manm in ganny apele par Minister Lasante *Public Health Authority*, pou fer tes *PCR* e pou *contact tracing*.

Zot pe fer sa la an se moman e nou espekte ganny rezulta ozordi akoz *Public Health Authority* in dir nou i kapab *fast track* delivre rezulta.

An konsekans mon nou pou napa swa, me pou sispann Lasanble pou apre midi e nou pe *plan* pou repran demen *matin*. Mon annan vreman gran regre pou nou pa kapab akonplir nou *Order Paper* parey nou ti'n prevwar.

Sa konman Speaker i en keksoz ki toultan i sagrinn mwan si nou pa kapab prosede avek nou programm labitud.

Me pou sa voyaz i annan en kantite Manm ki'n ale pou *PCR* e pou *contact tracing* ki ti pe prevwar pou entervenir lo

nou biznes apre midi. Se en Lalwa pou *repeal* Lalwa APDAR.

I annan plizyer nou bann Manm ki ti pe plan pou entervenir lo la e ki pa pou la, prezan alor nou mazinen apre konsiltasyon avek bann *leaders* Lasanble i preferab pou nou *defer* sa *Bill* pou demen *matin* e nou ava repran li demen.

Donk mon remersye bann Manm e mon remersye nou piblik pou zot konprenezon. E nou ava *adjourn* Lasanble la e nou komunik avek tou bann Manm e possibleman e nou espere konfirm ki nou pou repran travay 9er bomaten demen. Nou ava *adjourn*.

(ADJOURNMENT)